

MUNHU LOYI O KA

ANGA TWISISEKIKI

 Ntsena a hi yimiseni xisweswo xinkadyana. Hosi ya nkoka, hi ta evukoneni bya Vukwembu bya Wena nakambe hi ndlela ya xikhongelo; xo sungula, ku ta khensa eka hinkwaswo leswi U hi endleleke swona, na rirhandzu lerikulu ra Wena leri nga etimbilwini ta hina na Rito ra Wena. Hosi, vanhu lava, madyambu lawa, lava ndzi va rhandzaka hi mbilu ya mina hinkwayo, va tinyiketerile niku ta tshama ekamareni leri ro hisa, na yini swin'wana, hikuva va rhandza Rito ra Wena.

² Kutani hi ta eku khongeeleni ka vavabyi, madyambu lama, Hosi, ni lava va nga na swilaveko swo karhi. Leswaku ku nga vi ni la ntsaneke exikarhi ka hina emakun'wini ya xikhongelo lexi. Va nyike hikokwalaho ka vutshembheki bya vona, Hosi. Vulavula na hina hi Rito ra Wena, kutani u hi tiyisa, Hosi, tani hiloko hi famba, hi rhwarile ku soriwa. Wu ri nkateko wa njhani wa ku swi endla leswi! Ha swi kombela hi Vito ra Yesu. Amen. Mi nga tshamisa.

³ A ndzi na marito, hakunene, ya ku hlamusela ku khensa swinene ntlawa wa vanhu vo fana ni lava, lava va nga ta va ta tshama eka muako lowo. Ndzi lava ku vula, leswaku, mundzuku... Kumbe, hi taya halahaya eTopeka, Kansas, eka nhlengeletano leyi landzelaka, kutani yi ta fika emakumu hi Sonto lowu landzelaka. Kutani swingaleswi hi ta famba, kusuka kwalahaya, ku ya ePhiladelphia.

Kutani, sweswi, a hi fanele kuya entsungeni wa malwandle, kuya eKenya, nale Tanganyika, na Uganda, eka—eka mimfumo swivongo ya kwalahaya. Kutani ku ni dzolonganyana sweswi na va Mau Maus. A ndzi nge swi koti ku nghena kona tani hi mumixinari, kambe ndzi ya ringeta ku nghena kona tani hi muhloti. Ku nghena kona, kutani va le ku tilunghiseleni.

⁴ Hi ntoloveloo, ndzi ta nghena kona tani hi mumixinari ni ya eku hloteni, eka lowu nkarhi ndzi ya tani hi ku ya ekuhloteni, ni kuya va mumixinari. Swingaleswi, kwalahaya—kwalahaya, i ndlela yin'wana ya ku nghena kwalahaya ni va fikeleta. Kutani Makwerhu Mattsson-Boze u le ntirhwени, wa ku ringeta ku ndzi nghenisa, niku ndzi lulamisela movha yo hlota leyi ndzi nga ta nghena hi yona ekuhloteni. Kunene, swingaleswi, ndzi nghena hi movha leyi yo hlota, kutani u ta vula leswaku, "Makwerhu wa hina Branham u laha tikweni." A ya endlwini ya vuyimeri, "A ya ku xana swi tava swi ri kahle loko ntsena hi nga va na nhlengeletano nyana lahawani xana?" Wa

vona? Kwalaho yi kumeka yi sungula, kutani hi yi tshika yi ya emahlweni. Swingaleswi a hi swi tivi loko swi tava tano, loko hi ta swikota ku endla sweswo, kumbe hi nga swikoti. Hi le ku ringeten. Kutani ndzi vutisile Hosi, loko swin'wana swi nga humelela a tsandzeka, swingaleswi ku tava ku ri sayini eka mina ya leswaku ndzi vuyela endzhaku lahawani eJeffersonville ni ta chumayela hi *Tinanga Ta Nkombo*, hi Mawuwani kumbe Mhawuri, kun'wana kwalahaya.

⁵ Kutani swingaleswi, loko hi swi kota, ha swi vona namunthla, hi ta ringeta ku kuma kamara laha xikolweni leri ri nga na swobela moya wo titimela, hikwalaho ri tava ri ri kahle ri tlhela ri titimela. Ri tshama khume ntlanhu-kuya eka khume nhungu wa madzana wa vanhu. Kutani ri ni swihuhutela moya lowo holeke, ndzhawu leyitshwa, ntsena ri kwalomu ka ntlanhu wa swikwere ku tlula leri. Kutani nkarhi wun'wana hi ri komberile, kutani a va hi pfumelelanga leswaku hi va na rona. Kutani wanuna loyi a nga hi tsona rona u susiwile eka bodo. Swingaleswi sweswi, wanuna loyi a nga kona sweswi kwalahaya u ri hi nga yi tirhisa nkarhi wun'wana na wun'wana loko hi yi lava. Swingaleswi hi-hi tsake ngopfu loko hi yi kumile. Kutani swingaleswi hi nga kota ku yi kuma sweswi, kutani nkarhi wun'wana hi Mawuwani, kutani hi va... I va ngani lava va nga ta khongela, loko Hosi yi swi rhandza sweswi, loko un'wana a hi jikela xana? [Nhlengeletano yi ku, "Amen."—Muhleri.]

⁶ Ma swi tiva, ndzi tsakela Arizona. I tiko ra kahle. Ndzi tsakela kuva kwalahaya hi minkarhi hinkwayo.

Loko u nga sukumeta nyana yaleyo, Makwerhu Ben, loko u swikota, loko yi ri...Oho, yaleyo...Ina, nkulukumba. Ina. Kumbe, un'wana loyi a ngavaka eka yona, a nga yi tlakusela nyana ehenhla, hikuva ndzi tlhelela endzhaku ndzi huma eka ntiyiso walowo...[Un'wana a ku, "Thepi, vamakwerhu."—Muhleri.] Mi ri yini? ["Ntsena tithepi teto."] Oho, ntsena tithepi. Oho, hi leyi yin'wana laha ehenhla. Ndzi khomeleni. Hiswona, Makwerhu Ben. Swingaleswi ndza...

⁷ Ku vuyela endzhaku eArizona, ku vuya lahawani, swi ndzi endla ndzi va na rito ra mahleholeti, hikokwalaho ka ku ncinka ka maxelo. Lahawani hi na kwalomu ka makume nhungu-nkombo kuya eka makume nkaye, nakona nkarhi wun'wana hi na dzana ra tiphesente, ta ndhonghwe. Kutani lahaya ku va ziro, kutani manuku minkarhi yin'wana, vuxikarhi bya kona, byi va dzana na makume mbirhi wa phesente yin'we ya ndhonghwe. Ntsena u hanya ehansi ka tende ra okisejeni. Kutani loko u huma kwalahaya ehansi ka rona, ku ta lahawani, ma swi tiva leswaku ku na ku hambana lokukulu loku ku ku endlaka eka n'wina. Swingaleswi swi fika laha swi mi karhataka loko swi ta eka rito, ni kuya emahlweni.

Yi kokeli laha a yi ri kona, loko u nga swi kota, Makwerhu Ben. Ndzi endle xihoxo hi ku yi koka ndzi yi humesa. A ndzi ehleketa leswaku yi va laha a yi ri kona, kambe ehenhla *lahawani* hilaha va nga ta yi kandziya.

⁸ Hi khongeeleni sweswi, un'wana na un'wana wa n'wina. Ndza mi tsakela. Billy a ri eku ndzi byeleni hi un'wana a nga hi tisela bakiti ra maperekisi, kutani ntsena i nyiko leyi ntsong ley mi... Ntsena a ndzi nga mi khensi hi ku enela. A—a ndzi swi tivi leswaku ndzi nga swi endlisa ku yini. Kutani ndzi—ndzi titwa ndzi nga ringanelanga ku teka swilo swa muxaka walowo eka n'wina. Ndzi khongela Xikwembu leswaku xi mi katekisa, kutani ndza swi tiva leswaku Xi ta swi endla, hikuva Xi teri, "Loko mi endlela lavantsongo leswinene, mi swi endlerile Mina." Kutani Xikwembu xi ta mikatekisa, ndza tiyisisa.

⁹ Kutani Arizona kuva ri ri tiko ra kahle, ku na xilo xin'we lexi ndzi xi pfumalaka, xexo, hi n'wina hinkwerhu. Hi swona sweswo. Ndza mi pfumala hinkwerhu. A ndzi—ndzi na mhaka ni leswaku ndzi ya kwihi, ndzi—ndzi... ku ngari, hayi n'wina. Ndzi na vanghana, hinkwako emisaveni hinkwayo, kambe ku—ku ngari—ku nga ri n'wina hinkwerhu. Ntsena ku na xin'wana hi ntlawa lowuntsongo lowu... A ndzi swi tivi. Ndzi ehleketa ha vona.

¹⁰ Kutani eTucson, i doroba ra vumpfhumba, ma swi tiva, kutani tikereke ti le ku kokeni, ma swi tiva. Swa nonohwa. Ku nga ri swa ximoya; kutani, hikuva ku na mphikizano, wu tiyile swinene; kutani wu swi endla leswaku swi nonohwa. Loko ndzi nga va na n'wina hinkwerhu ka n'wina, na kereke, kutani hi hanya kwalahaya, ndzi pfumela leswaku swi nga va kahle. Wa vona? Kambe ndzi ringanyeta, ntsena loko ley i nga tshama yi ri kereke, kutani na n'wina hinkwerhu mi tama ma ha ta, ndzi ta tama ndza ha ri kwalahawani, ku kondza Yesu a vuya.

¹¹ Swingaleswi ndzi khongeeleni, tani hi laha ndzi vuleke ha kona eku sungulen. A ndzi vuli leswaku ndza swi engeta, kambe loko ndzi fika emahlweni ka n'wina, ndza—ndza rhurhumela, ni khoma hi gome leri nga sukiki, na nyanyunkelo, na matitwelo, na wona. Ni hi ndlela yaleyo, ku sungula hi swona, swingaleswi ndzi tano... swi ndzi endla ndzi titwa ndzi handzuka endzeni. Kambe hi ku tiva sweswo hambi ndzi ngaya kwihi... A ndzi na—na ntlawa emisaveni, lowu ndzi wu tivaka, lowu damarhelanaka na mina ku fana ni ntlawa lowu. I ngaku—i ngaku Xikwembu xi nga hi endla hi nga hambanyiseki, leswaku, eka Mfumo lowu tako, leswaku hi va ka wona swin'we; i xikhongelo xa mina.

¹² A ndza ha tshamile lahawani enyangweni, ndzi vulavula na Bill Dauch ntsena eka xinkadyana lexi nga hundza hi ku vuyelerisela un'wana eka Kreste, nakambe, eka kamara lerin'wana. Kambe loko ha ha tshamile kwalahaya ndzi

vulavula na yena, a ri na makume nkaye-n'we wa malembe hi vukhale, u teri, “Ndzi—ndzi ya ndzi hela matimba. Mahlo ya mina a ma ha ri xiswona leswi a ma ri xiswona.”

Kutani ndzi ehleketa, malembe mangari mangani lawa ya nga hundza, ndzi yile eka yena loko a ha ri na ku tsandzeka ka mbilu ni ku pfaleka ka mbilu, a ri ekufeni. Kutani dokodela loyi a ri eku n'wi tshunguleni, loyi a nge teri a ngaka a nga hanyi, dokodela ya loye u file. Kutani hi loyi Bill Dauch a nga tshama lahawani, wa vona, wa malembe ya makume nkaye-n'we hi vukhale. Ndzi ku, “Bill, a wa ha swi tolovelanga emisaveni swo fana na ku tirha na swin'wana swo kotisa sweswo. Kambe ndzi kombela leswi, ‘Leswaku Xikwembu xi ku nyika matimba,’ hikuva u rhandza tihlengeletano hakunene.” Wanuna yaloye wa makume nkaye-n'we wa malembe hi vukhale wa ri tsemekanya tiko hi movha, ka hisa, ku omile, ka titimela, hi ku hambarana, xin'wana na xin'wana xa swona, ku ta twa Rito. Xikwembu a xi katekisi moyo walowo wa vunhenha. Sweswi a ndzi na . . .

¹³ Ndza ha ri na ku tisola kun'wana, ka ku mi khomeleta hi ndlela leyi ndzi yi endleke mixo lowu, ka tiawara tinharhu. Kutani a ndzi endlanga vululami eka hungu, hikuva ndzi ri tsemile, kutani ndzi tshika xiphemu xa rona, ni tlula xiphemu xa rona, na ku ya emahlweni. Xexo hi xona xivangelo xa kuva ndzi va byerile ku khomeleta thepi. Mi nge ndzi ri teka nakambe kun'wana laha ku holeke kumbe swin'wana. Kutani ndzi—ndzi—ndzi nga ha twa Moya, kambe ndzi mi langutile niku tiva leswaku mi tibela moyo ni ku tiva leswaku ma hisa, kutani—kutani ntsena sweswo swi ndzi handzula ndzi va swiphemu-phemu. A ndzi mi lavi mi karhateka; ndzi—ndzi mi lava leswaku mi chaveleleka. Wa vona? Kutani sweswo hi swona swi ndzi vilerisaka.

¹⁴ Ku fana, ni loko ndzi vona vanhu lava vabyaka; loko ndzi nga—loko ndzi nga swi koti ku twela vanhu lava va vabyaka, ndzi ngaka ndzi nga va endleli leswinene. Ndzi—ndzi fanelu ku va twela. Kutani i ndlela yin'we nale ka—ka n'wina; ndzi—ndzi fanele ku mi twela, kumbe ndzi va ndzi nga ri makwerhu wa n'wina. Wa vona? Ndzi—ndzi fanele ku mi twela. Nakona, ndza swi endla sweswo; Xikwembu xa swi tiva leswaku sweswo i ntiyiso.

¹⁵ Kutani sweswi, madyambu lama, ndzi ta nyikela ku khongelela va vabyi.

Kutani ndzi lava ku...vanhu, kutani a ku katekisiwi vanhu lava, na Makwerhu Collins, na Hickerson, Makwerhu Neville, Makwerhu Capps, matrasti, na hinkwavo, hi swiviko swa kahle leswi swi tako, swa hi laha mi nga na oda hakona, mi tshamisekisa kereke, ni hi laha xin'wana na xin'wana xi vaka eka ntshamiseko wa kahle ha kona. Ndza mi khensa swinene vanhu ndzi n'wina. Hosi a yi mi katekisi hikokwalaho ka ku ringeta ka n'wina ku tshamisekisa ntshamiseko. Kutani papila

na papila ri ta eTucson, eka mina, “Makwerhu Branham, a swi fani ni leswi swi nga toloverisiwa xiswona. Swi hambane swinene, tani hi nkateko wa ku twa Vukona bya Xikwembu.” Kutani ndza—ndza khensa hikwalaho ka sweswo. Hosi a yi mi katekisi hi laha ku nga heriki!

¹⁶ Swingaleswi, sweswi, madyambu lawa, a ndzi ri eku hlayersi eka Matsalwa xindhawani nyana, leswaku—leswaku kumbexani ndzi nga kuma marito mantsongo, ya ku vulavula ni ku hlaya Matsalwa, kumbexani Matsalwa yo hlaya, kutani ndzi vulavula na n’wina xinkadyana xitsongo kutani ndzi khongeleta va vabyi. Kambe ntsena xinkadyana xintsongo; ndzi langutile xikomba-nkarhi, kutani ntsena ndzi ta ringeta ku hatlisa tani hilaha ndzi nga ta kota ha kona. Kambe ndzi ehleketa leswaku loko ntshungu wa vanhu loko va nhlengeletanile kun’we, ku nga ri ku hlaiweni ka Rito kumbe ku nga ri ku endlawi ka nchumu, ku khongotelana kun’wana, nhlengeletano yi tava yi nga hetisekanga.

¹⁷ Votala va n’wina mi rindzerile. Votala va n’wina mi na timayili to tifamba madyambu lawa. Swi ndzi hlamarisa njhani sweswo! Loko ndzi languta niku vona ha un’we un’we, kutani ndzi ehleketa ha swona... Kwalahaya eArizona, ndzi ehleketa, “Loko ndzo n’wi vona nakambe, ndzi ta rhelela ndzi ya qavula voko ra yena ni ku n’wi haka nhamu.” Kutani mi tshamile lahawani, kutani i mani, hi kwihhi laha ndzi nga, ma swi tiva? A ndzi switivi leswaku ndzi nga sungula hi wihi, kutani hi wihi... a ndzi switivi leswaku ndzi nga huma njhani eka swona. Kambe, ina, ndza mi rhandza. Na Xikwembu xa mi rhandza, na xona.

¹⁸ Sweswi ndza ehleketa, loko ndzi nga endlanga xihoxo, loko ndzi nga khomanga Matsalwa yo—yo hoxeka lahawani, ndzi lava ku hlaya eka Vakorinto vo Sungula, ndzimana ya vu1, hi ta sungula hi vheze ya vu18, kutani hi ta hlaya na Vakorinto va Vumbirhi 12:11, leswaku hi kuma tsalwa ra hina. Sweswi loko ndzi nga ti kuma leti hi ku hatlisa, kutani hi ta hlaya, kutani hi khongela niku sungula ku hlaya, ntsena hi vulavula na n’wina xinkadyana hi xinhlokwa mhakani lexi. Eka Vakorinto vo Sungula, ndzimana ya vu1, hi sungula hi vheze ya vu18.

Hikuva mhaka ya xihambano i vuhunguki eka lava lovaka; kambe eka hina lava hlayisekaka i matimba ya Xikwembu.

Hikuva ku tsariwile leswaku, Ndzi ta herisa vutlhari bya lavo tlhariha, ndzi ta hundzula ku tiva ka vutivi eswahava.

*U kwihhi ntlharhi xana? U kwihhi mutsari xana?
Mukaneti wa minkarhi leyi u kwihhi-ke? xana
Xikwembu a xi endlanga vutlhari bya misa leyi
evuhunguki xana?*

Xana ndzi nga ya tshaha nakambe ya lawa xana? "Xana Xikwembu a xi endlanga vutlhari bya misava leyi evuhunguki xana?" Xana hi byihi vutlhari bya misava leyi xana? Vuhunguki.

...xana Xikwembu a xi endlanga vutlhari bya misava leyi vuhunguki xana?

Hikuva leswi vutlhарhi bya Xikwembu, misava yi nga ka yi nga tivanga Xikwembu evutlhарhini bya yona, Xikwembu xi tirhandzele ku hanyisa vapfumeri hi vuhunguki bya ku dyondzisa evhangeli.

Xana ndzi nga tlhela ndzi yi hlaya nakambe vhese leyi xana? Yingisani swinene.

Hikuva leswi vutlhарhi bya Xikwembu, misava yi ngaka yi nga tivanga Xikwembu evutlhарhini bya yona, Xikwembu xi tirhandzele ku hanyisa vapfumeri hi vuhunguki bya ku dyondzisa evhangeli.

Hikuva Vayuda va kombela masingita, ... Vagreki vona va lava vutlhарhi:

Kambe loko a ri hina hi vula Kreste la vambiweke, loyi a nga xikhunguvanyiso eka Vayuda, ... ni vuhunguki eka Vagreki;

Kambe eka lava vitaniweke, hambi va ri Vayuda va kombela masingita, Vagreki, vona, va lava vutlhарhi.

Hikuva vuhunguki bya Xikwembu byi tlula vanhu hi vutlhарhi; niku tsana ka Xikwembu kutlula vanhu hi matimba.

¹⁹ Kutani eka Vakorinto va Vumbirhi ndzimana ya vu12, vhese ya vu11, Paul wa vulavula.

Loko ndzi tidzunisa ndzi endlile hi vuhunguki; kasi hi n'wina mi ndzi susumeteleke kona: hikuva a ndzi fanele ku yimeriwa hi n'wina: hikuva a ndzi tluriwanga ha nchumu hi lava va nga vaapostola lavakulu, hambi ndzi nga ri nchumu.

²⁰ A hi khongeleni. Hosi Yesu, engetela eka marito lama ntsongo lawa, madyambu lawa, lama vuriweke eminkarhini leyi nga hundza, hi muapostola lonkulu Paul, leswaku hi nga ha humelela hikuva hi ma yingisela madyambu lawa, hi kuva hi ma teka ekuhanyeni ka hina, leswaku hi nga va—va ntirho wa voko ra Xikwembu, leri endliweke hi fexeni leyi Xi hi hlawuleleke yona leswaku hi va eka yona. Hikwalaho hi swi kombela hi Vito ra Yesu. Amen.

²¹ Ndzi ya eku chumayeleni madyambu lawa timinetse tintsongo, hi ku rhandza ka Hosi, ehenhleni ka nhloko-mhaka leyi nge: *Munhu Loyi O Ka A Nga Twisisekiki*. Sweswi, yaleyo i nhloko-mhaka leyi nga hetisekangiki, leyi yi ngariki na

ku xixima ku yi teka, kambe ya leyo hi yona, ndzi ehleketa, leswaku yi nga hava hi xiyimo xa le henhla kumbe xa le hansi hi ndlela leyi ndzi nga ta yi hlamuserisa xiswona.

²² Ma swi tiva, ku na swilo swo tala, namuntlha, leswi swi endlaka vanhu leswaku va va *vanhu lava nga twisisekiki*, hi swivurisa xisweswo. Kutani nhlamuselo yaleyo, loko un'wana a nga se tshama a yi twa, swivula un'wana loyi a "hambaneke," un'wana loyi o ka "a nga tollovelekangiki" eka nakulorhi un'wana. Kutani a swi kanakanisi kambe votala va hina a hi tollovelekanga, un'wana eka un'wana.

²³ Kutani, sweswi, a ndzi famba exitarateni nkarhi wun'wana eLos Angeles, California, kutani ndzi vonile munhu loyi o ka a nga tollovelekanga swinene, a ri ni maendlelo lawa ya nga tollovelekangiki. Kutani a ri eku fambeni exitarateni, a nga ri ku siveleni ka van'wana, kambe ntsena a ri tani hi ku tirkhendzelekela ni nhlikanhi. Kutani ndzi yile etlhelo lerin'wana ra xitarata, ku ya vona leswi a ri eku swi endleni. Un'wana na un'wana a ri eku hundzulukeni, a n'wi hleka, hikwalaho ka ku hambana ka yena.

Ndzi vuye ndzi lemuka leswaku a ri na sayini leyи a yi nembelela emahlweni ka yena. Kutani ndzi anakanyile leswaku ndzi ta vona leswi un'wana na un'wana a hleka swona, swona leswi nga tollovelekangiki, wanuna loyi a hambaneke. Kutani swingaleswi a ri tano... Ndzi n'wi lemukile tani hiloko vanhu hinkwavo va n'wi langutile, a va n'wi hleka, kutani—kutani, kambe a languteka a ri ni n'wayitelo wa muxaka lowu hambaneke, n'wayitelo wo tsakisa. Min'wayitelo leyin'wana leyи vanhu a va n'wi komba yona a yi ri ya ku n'wi hlekula, kambe a languteka a eneriseka hi leswi a ri eku swi endleni.

²⁴ Kunene, sweswo hi swona hinkwaswo ku ehleketa ha swona, loko wanuna a eneriseka hi leswi a swi endlaka leswaku swi kahle. Hambi a nga va munhu loyi o ka a nga twisiseki eka van'wana, loko a eneriseka hi leswi a swi endlaka leswaku swi kahle, manuku n'wi tshikeni a tshamisa xisweswo na swona.

Kutani tani hiloko ndzi ntshunulela wanuna loyi lontsongo, ndzi lemukile e...ku rhendzeleka hi xifuva xa yena lahwani, eka lexi xi nga plakiwa kumbe bodo, leyи a yi tsariwile leswaku, "Ndzi xihunguki," kutani hi le hansi, a ku tsariwile leswaku, "xa Kreste." "Ndzi xihunguki," hi marito lamakulu; kuya ehansi emasunguleni, ku ri, "xa Kreste." Kutani un'wana na un'wana a ri eku swi hlekeni leswi.

²⁵ Kutani tani hiloko wanuna lontsongo a ehlela entshungwini lowu a wu ri ni swiyowetelo niku yisa emahlweni, ndzi langutile leswi a swi tsariwile enhlaneni wa yena. Kutani a kuri ni mfungho wa xivutiso lowukulu enhlaneni wa yena, kutani kuya ehansi, a ku, "N'wina mi swihunguki swa mani?"

²⁶ Kunene, ndzi—ndzi ehleketele swin'wana kwalahaya, ma swi vona, kambe a switikomba a enerisekile leswaku a nga hava xihunguki xa Kreste. Kutani sweswo hi leswi Paul a swivuleke leswaku a ri, "xihunguki" xa Kreste.

²⁷ Makwerhu Troy, wa Full Gospel Business Men, munghana lonene wa mina, i—i mutsemeleri wa nyama. Kutani u kumile xintsongwa-ntsongwani xa muxaka wun'wana evokweni ra yena, hi ku tsemelela nyama ya nguluve nkarhi wun'wana. Wanuna un'wana loyi a swi tivaka, kumbe wansati, a nga hava a xi tiva leswi xintsongwa-ntsongwana xi nga xiswona; kambe xi—xi ta mi dya xi mi heta. Swingaleswi, hi ku endlela ku ponisa vutomi bya yena, a va fanele ku—ku tsema tintiho tinharu. Kutani a va na tintiho timbirhi eka voko lerin'wana, kambe hambi swi ri tano wa ha tama a ri muxavisi wa nyama.

²⁸ Kutani a ku ri na Mujarimani lontsongo loyi a tirha na yena e—e vhengeleni ra nyama, ehansi eLos Angeles, swingaleswi a—a tshamela ro ya emahlweni ni ku ringeta ku yisa wanuna lontsongo wa Mudachi eka Kreste. Kutani u teri a ri "Mulutere," kutani a swi ri kahle eka yena. A enerisekile hikuva a ri Mukreste, hikuva a nghena kerekere ya "Malutere," tani hilaha a swivuleke. Swingaleswi vusiku byin'wana Makwerhu Troy u kumile nkateko wa ku famba na yena ekerekeni.

²⁹ Vito ra yena a ri Henry. Kutani Henry, hi Xijarimani, i "Heinrich," kutani swingaleswi va n'wi vitana "Heini." Mi yi twile nhlamuselo yaleyo. U teri, "Heini, swi nga koteka leswaku u famba na mina ekerekeni madyambu lawa xana?"

³⁰ "Kunene," u teri, "Ndza pfumela leswaku ndzi taya." Swingaleswi u rhelerile eka nhlengeletano ya fexeni ya xikhale laha a va ri na nhlengeletano ya xikhongelo, kutani u tikumile a ri loyi a hundzukaka, kutani a nyikela mbilu ya yena eka Kreste.

Oho, siku leri landzelaka, wanuna loyi lontsongo wa Mudachi a ri eku tiphineni. Nkarhi wun'wana na wun'wana a ta famba emuakwini, a yimiserile mavoko ehenhla emoyeni, a ri karhi a ku, "A ku dzunisiwi Xikwembu! Ndza Ku khensa, Hosi Yesu!" kutani u kokile rinoko ra hinkwavo, hinkwavo ka vona.

³¹ Ma swi vona, u hundzukile munhu loyi a nga twisisekiki eka ntla hinkwawo wa vatsemeleri va nyama. Kutani a ri eku tsemeleleni ka nyama, kutani a sungula ku ehleketa hi Hosi, hiloko a sungula ku rila. A veka mukwana hansi, kutani a sungula ku fambafamba exikarhi ka muako, a ku ngari ku nyanyuka, ntsena a endla rirhandzu eka Kreste, a ri karhi a ku, "Oho, ndzi Ku rhandza njhani, 'Yesu!'" Ma swi tiva, ntsena a ya endzhaku nale mahlweni.

³² Kutani mutholi wa yena a humelela kwalaho kutani a n'wi vona a ri karhi a endla leswi, kutani tani hiloko a ha ri eku fambeni, a ri karhi a rila. Kutani, mutholi, a nga kalanga a n'wi vona mutholi; a ri karhi a ehleketa ha Yesu. Kutani u sungurile,

na mavoko ya yena ya yimele ehenhla emoyeni, kutani mihloti yi ri karhi yi xiririka emarhameni ya yena, a ri karhi a ku, “O Xikwembu, hi laha ndzi Ku rhandzaka ha kona!”

Kutani mutholi a ku, “Heini, xana ku humelela yini emisaveni ha wena?” A ku, “Un’wana na un’wana eka—eka layini hinkwayo va le ku vulavuleni ha swona. Xana ku humelela yini emisaveni ha wena, Heini?”

³³ Wanuna lontsongo wa Mudachi a ku, “Oho, motholi!” A ku, “Ku kwetsima a kuve eka Xikwembu, ndzi ponisiwile!”

A ku, “Xana u khome hi yini?”

A ku, “Ndzi ponisiwile!” A ku, “Ndzi fambile na Makwerhu Troy lahawani exikhongelweni lexitsongo lexi nga lahawani ehansi, kutani ndzi—ndzi ponisiwile. Kutani Yesu u tile embilwini ya mina, kutani ndzi tele hirirhandzu!”

A ku, “U nga va u yile ehansi eka ntlawa walowo wa tinati.”

³⁴ A ku, “Ina!” A ku, “Ku kwetsima a kuve eka Xikwembu!” A ku, “Ndzi khensa Xikwembu ha tinati!” A ku, “Ma swi tiva, loko u teka movha u enhila hi patu, nakona u susa tinati eka wona, a wa ha ri na nchumu handle ka ntlawa wa ‘yank!’”

³⁵ Kunene, a ndzi swi tivi kambe ntsena wanuna lontsongo wa Mudachi a ri kahle. Ku susa tinati hinkwato? Tinati hi leti ti hlanganisaka swilo kun’we. Kutani ndzi ehleketa leswaku hi leti ti hlanganisaka kereke kun’we nkarhi wun’wana, ti hlanganisa nhluvuko kun’we.

³⁶ Sweswi, loko ndzi ta vuya eku vhakeni ePrescott, masiku nyana lawa ya nga hundza, a ndzi ri eku languteni emananga niku lemuka hilaha ku huma ePhoenix va nga ni Swirhapa swa Majapani, kutani a vari na swiluva kwalahaya, swiluva swo saseka. Laha, loko ndza hari mufana kwalahaya, ndzi risele tihomu etindzhawini leti. Tihomu, a ti nga ri na byanyi, swingaleswi ntsena a tihanya hi tinyawa ta swikwenga swa mananga na swin’wana.

³⁷ Kutani swingaleswi ndzi lemukile leswaku a kuri na—na ku tswala eku tirhisiweni ka mananga. Kutani emananga hi kuma leswaku, kova na swikwenga na swiluva. Kutani ekaya ka mina lahaya, kumbe kaya leri a hi ri hakelela; Sesi Larson, ndzi ehleketa leswaku a ri kona lahawani mixo lowu, ndzi n’wi vonile. Kutani a ri na bede ya swiluva ehandle ka—ka yindlu; swin’wana swo thyakisa. Hinkwaswo a swi ri sava kwalahaya, swingaleswi a ri na thyaka ebedeni leyikulu ya swiluva etlhelo lerin’wana ra yindlu ya tikamara timbirhi. Kutani mixo wun’wana na wun’wana a ndzi fanele ku humela ehandle ni cheleta swiluva leswi. Loko ndzi nga swi cheleti, swi ta fa. Kutani swi ta... Kutani swingaleswi, nakambe, a ndzi fanele ndzi kuma swofafazela ni swifafazela, leswaku tinhwala ti suka eka swona; tisikititi ta swi dya.

³⁸ Kutani ntsena wa famba nyana swintsongo endzhaku ka sweswo, magoza ya makume nharhu kusuka eka yalawa, ku na swiluva swin'wana swi nga eku hlukeni, kutani emananga swi le ku hlukeni. Kutani loko u nga cela tifiti ta makume mbirhi kutani swi nga fana ni mapa ya khege; a ku na nchumu emisaveni handle ka ritshuri ntsena, kutani ku ri hava mati. Nakona i mani a swifafazelaka xana? Wa vona?

Leswi swi nga ebedeni ya swiluva, loko mi nga tsandzeka ku swifafazelaka niku swi cheleta, matheza kumbe tisikiti, tinhwala, swi nga swi dya. Kambe tinhwala ti ngaka ti nga swi khumbhi leswi swi nga emananga, kutani hambi u lava ku mbuweteriwa a cheletiwa masiku hinkwawo; hi yena mutshoveriwa wa mutumbuluxi. Loku i ku tswala loku ku nga hlanganisiwa rimbewu.

³⁹ Kutani ndzi ehleketa leswaku, namuntlha, xivangelo xa kuva Vukreste byi hundzukile, nati, evanhwini; hikokwalaho ka kuva hi ri na ntawa lowu wu ngo lo tswarisiwa kambe ku ngari Vakreste va xiviri, ntawa lowu wu lavaka ku mbuweteriwa ni ku fafazeriwa, leswaku wu ta kota ku tshama ekerekenei.

⁴⁰ Ndzi ehleketa hi Kereke yo sungula, leswi a va ri xiswona, kutani mi swi pimanyisa ni leti ti tswariweke namuntlha. Leti i to chipa swinene ku tlula hilaha Kereke ya ntiyiso yo sungula a yi ri xiswona, vapfumeri va lava vo khwaxa eka Xikwembu, va ri na Moya lowo Kwetsima. A mi va mbuwetelanga. A swi nga kali swi lava leswaku mi va bampatela mi tlhela mi va byela leswaku mi ta va yisa eka *leyi*; kutani loko va karharisiwile hi yaleyo, vaya eka leyin'wana; kutani mi tava endla madiyakoni loko va ta eka leyi kutani va tshika leyin'wana. Sweswo i ku tswarisa hi ku hlanganisa rimbewu ro hambana.

⁴¹ A ndzi ehleketa hi mapendiwelo ya xiviri ya Michelangelo, ndza pfumela, eka "Xilalelo xo Hetelela." Ndzi ehleketa leswaku u xi pendile. Mi kale mi swi tekela enhlokweni leswaku xifaniso xa yena xa xiviri xi ta mi durhela? Xi nga va magidi lama nga hleyekiki ya tidolara, ya ngaka ya nga fiki eka xexo xo sungula, hikuva xi hundza nxavo. Nkoka wa xona wule henhla swinene! Kambe mi nga ha xava xo chipa lexi xi nga endliwa hikwalomu ka tidolara timbirhi.

⁴² Sweswo hi swona swi endlaka leswaku vanhu namuntlha va nga switwisisi ku khwaxa ka swa ntiyiso, vapfumeri va xiviri. Va hundzuka nati. Ma swi tiva, misava yi kumeka yi wela eka xindledyana xexo xo celeka ku fikela laha un'wana na un'wana kan'we hi xinkadyana a fanelaka ku va na nati ku xi tiyisa. Swi lava un'wana loyi a tako eka mbono loyi a hambaneke nyana, kutani u va a ri nati eka rixaka lero. A ndzi ri eku ehleketeni siku rin'wana, leswaku i mani a nga swikotaka xana?

Xana i mani loyi a nga riki nati namuntlha? Mi nati ya un'wana. Ndzi pfumela leswaku misava hinkwayo yi ni rihuhe. Xana a mi swi tiva leswaku lowu i nkarhi lowu vanhu va nga swikotiki kuavanyisa exikarhi ka leswinene ni leswo biha, kumbe ntiyiso ni swihoxo xana?

⁴³ Xana ma swi tiva leswaku va n'wa-tipolitiki a va swikoti ku avanyisa leswinene ni leswo biha? Ma va vona va miyela eka ku vhothela Bibele leswaku yi vuyela ekerekeni kumbe e... Bibele leswaku yi vuyela endzhaku exikolweni? A va yi tivi leswaku i ndlela yihi leyi va n'wa-tipolotiki va faneleke ku ya pfurhetela kona. Ehleketa ni ha swona! A ndzi swi tivi leswaku swi njhani eIndiana sweswi, kambe eka mfumo wa Arizona swi lwisana ni nawu ku hlaya Bibele exikolweni. Ndzi pfumela leswaku swi tano nile Indiana, a swi lava ku endleka e United States hinkwayo, hikokwalaho ka wansati wo biha a nciceke nongonoko hinkawo. Kutani, tsundzukani, swi lwisana na nawu ku hlaya Bibele eswikolweni swa hina swa mani na mani, kambe swibalo swa vapfumeri swi seketela leswo biha leswaku swi dyondzisiwa exikolweni.

⁴⁴ Tipolitiki. Hi lava Abraham Lincoln un'wana. Hi lava Patrick Henry un'wana. Hi lava Muamerika loyi a nga ta yima swi ngari na mhaka leswaku tipolotiki tile kwihi, kutani a vula leswinene, “leswinene,” ni leswi nga hoxeka leswaku, “swihoxekile.”

⁴⁵ Xana a mi swi tiva leswaku vachumeyeri namuntlha a va swikoti kuavanyisa leswi nga swinene, Rito ra Xikwembu kumbe kereke ya dinominexini? A va ri tivi patu va fanelaka ku ri teka. A va swikoti ku avanyisa leswinene ni leswi swi nga hoxeka. “Ndza swi tiva leswaku Bibele ya swi vula, kambe kereke ya hina yi ri...” Wa vona, vanhu a va swikoti ku avanyisa leswinene eka leswi swi nga hoxeka. Kutani xin'wana na xin'wana lexi kanetanaka na Bibele hi lexi xi nga hoxeka. Rito ra Xikwembu hi lerinene, kutani rito rin'wana na rin'wana ra munhu i yunwa, leri ri kanetanaka na Yona. Kutani ku ringeta ku yima ehenhleni ka—ka—ka nkarhini wo fana ni walowo, ni ku yimela leswi swi nga leswinene, u hundzuka nati.

A hi languteni swimunhuhatwa swin'wana.

⁴⁶ Ndzi nga ha n'wi khumbhula muprefeta Nowa, eka siku lerikulu leri a nga hanya eka rona; eka nguva yaleyo leyikulu ya xisayense laha va akeke tiphiramidi va vumba na sphinxes, laha a va kota ku khorwisa leswaku ku hava mati eswibakabakeni, hi vulavisisi bya xisayense. Lahawani ku humelela xikhalaabyana lexi xi humaka kwalahaya, xi ku, “Ku ni mpfula leyi yi taka hi le matilwesi.” Nowa a ri nati eka rixaka lero. A hundzukile nati.

⁴⁷ A hi ehleketeni hi Muxe. Muxe, loko a ya eka Faro, tani hi laha hi vulavuleke mixo lowu, kutani Muxe a ya eka Faro, kutani a ku, "Hosi yi ndzi rhumerile ku ta humesa mahlonga lawa," a khomile nhonga evokweni ra yena, a langutanile na vuthu lerikulu leri hluleke misava hinkwayo. Faro, ni hinkwavo vativi vaxisayense, a va ehleketa leswaku Muxe i nati. Kutani, a ri nati, eka vona.

⁴⁸ Ndzi nga ha n'wi ehleketa muprofeta Eliya, hi siku ra yena lerikulu, loko nguva ya mintsheketo ya fexeni; loko Akab na Yezabele va fumile misava, tani hilaha a yi ri xiswona, hi minkarhi ya vona; na tifexeni hinkwato na swilo leswi Yezabele a lava ku swiambala, ni hi laha a ri na vona vavasati hinkwavo lava a va ambala kufana na yena, na ku tipenda-penda ka yena, ni kuva a ya emahlweni, na tifexeni ta yena, hi ndlela leyi a ti hoxa hi yona eka fexeni yena n'winyi. Kutani loko xidyuhati xin'wana xa mabyongo, tani hi Eliya, a ta eka xivono a fika a alela tiko hinkwaro; eka Akab, a ri nati. Sweswo hi swona.

⁴⁹ Amos, wa muprofeta, loko a ya eSamariya hi minkarhi leyi Samariya a ri fana na Hollywood namunlhha, vavasati exitarateni, va ambarile, laha a kuri vuoswi lebyi a byi vona hi mani na mani, hi laha a va ya hakona emahlweni ni ku hanyisa xiswona kwalahaya, niku pfumelela vavanuna . . .

⁵⁰ Hakanyingi i vuoswi lebyi byi voniwaka hi mani na mani, namunlhha, byile mahlweni ka n'wina. Ndzi yile endzhawini yin'wana vusiku byin'wana, ku ya kuma swakudya, kutani swifanyetana na swinhwenyetana a swi ri kwalahaya swi ri karhi swi hakana ni ku khisana laha a ndzi nga swi twisisi leswaku ku famba yini.

Kutani xana wa swi tiva, sesi wa mina lontsongo, leswaku sweswo swi nga endla leswaku swihelela evuoswini xana? Loko wanuna a ku khisa, u va a endlile vuoswi na wena. U nga n'wi pfumeleli a ku khisa ku kondza mi tekana, hikuva tigland, ha vumbirhi ka tona tigland ta xinuna ni ta xisati, ti le milon'weni. Xana ma switwisia xana? Kutani loko tigland ta xinuna ni ta xisati tihlangana kun'we, mi nge tiva laha ti nga tava ti ri kona, mi va mi endlile vuoswi. Kutani u nga pfumeleli jaha ri ku khisa ku fikela laha nturhu wu susiwa exikandzeni xa wena kutani u va nsati wa yena. U nga swi endli sweswo! I ku endla vuoswi. I ku hlanganisa tidland ta xinuna ni ta xisati.

⁵¹ Xana hikokwalaho ka yini wanuna a nga khisi wanuna kuloni, wansati a khisa wansati kuloni, emilon'weni xana? Hikuva tigland ta vona a ti fambelani. Vana va tswariwa hi ku fambelana ka tigland.

Swingaleswi swa ha ri vuoswi lebyi voniwaka hi mani na mani nakambe, hinkwako. Langutani eka swikirini ni le ka hinkwaswo leswi mi swi langutaka, ku—ku phoma rihlakahla ni

ku—ku ya emahlweni. A swi hlamarisi loko vugangu byi—byi ri ehenhla swinene! Xana va nga swi endla njhani, va titsakamisela vununa bya vona hi ku khisetela vavasati lava emilon’weni, va ri karhi va swi tiva leswaku sweswo i vuoswi! Xikwembu a xi rivaleli sweswo handle ka loko mi nga hundzuka.

⁵² Kutani sweswi, loko ku ta, muprefeta loyi lonkulu, Amos. A tiveka tani hi un’wana wa vaprefeta lavantsongo hikuva a ku tsariwanga swo tala ha yena, kambe a ri na Rito ra Hosi. Kutani u langutile doroba lero, hinkwaswo leswi nga nyikiwa... A ti phakeni, vavanuna va tshamile mavoko ya vona ya vukarhile vavasati, na vavasati mavoko ya vona ya vukarhile vavanuna, ntsena i Hollywood ya ximanguva lawa! Kutani u fambile hi doroba lero, kutani a ku, “Mi ta hundzuka kumbe mi lovisiwa!” A ri nati. Khale a tivurile loyi a nga ni rihuhe, eka vona.

⁵³ Yohana Mukhuvuri, loko a ta eka xivono. Eka vukhongeri bya tidinominexini bya nkarhi wolowo, a ri nati. U vile na nkateko wa kuva muprista, ku landzelela minkondzo ya tatana wa yena. Kambe u karile ku swi endla, hikuva Xikwembu xi n’wi susile eka mikhuva ya leyo na tidinominexini, hikuva ntirho wa yena a wu ri wa nkoka swinene. A fanele ku tivisa ta ku ta ka Mesiya. Kutani loko ku nga ri ni leswi a ta swi endla hi Vafarisi, Vasaduki, kumbe hambi va ngava va ri va mani, u alerile ntlawa wa vona hinkwawo, kutani a ku, “Mi nga sunguli kuvula leswaku, ‘Hi na Abraham tatana wa hina,’ hikwalaho Ndzi nge Xikwembu xa swikota hi maribye lawa ku pfuxa vana va ya eka Abraham.” Eka—eka misava ya vukhongeri bya minkarhi ya yena, a ri nati. A hi swona.

⁵⁴ Loko Yesu a ta eka xivono. Eka vanhu va vukhongeri va minkarhi ya Yena, na Yena a vuriwa nati. Hikuva, va teri, “Wena u Musamariya. U lahlekeriwele hi miehleketo ya Wena. Wo va wanuna loyi a tipengelaka,” hi marito man’wana, “wanuna loyi a hlanyaka.” A ri xisweswo, evanhwini, Hosi ni Muponisi wa n’wina.

A swi hlamarisi loko, Paul, a leteriwile hi Gamaliel leswaku a va muprista, nkateko wo va a tikuma a ri muprista lonkulu siku rin’wana. Kutani erendzweni ra yena ro ya eDamaska, u biwile hi Rihatilero ri ngariki ra ntumbuluko. Kutani a languta ehenhla, hikuva a ri Muyuda, nakona a switiva leswaku Langavi ra Ndzilo lero hi leri ri rhangeleke vanhu va yena. A ku, “Xana U Mani, Hosi?”

Kutani A ku, “Ndzi Yesu.”

⁵⁵ Kutani loko a lahlile dyondzo ya yena, u lahlile hinkwaswo swa ntivo-vukhongeri bya yena lebyi a nga leteriwa eswikolweni, kutani a va wa ntolovelu, muchumayeri wa le xitarateni, a ri nati. U teri, “Ndzi hundzukile xihunguki.”

⁵⁶ Kutani vanhu a va anakanya leswaku a penga, u lahlekeriwe hi miehleketo. U byerile Festos leswaku, “A ndzi pengi.” Ntsena a tivile Hosi. Kambe ku tiva Hosi eka ntlawa wa vukhongeri... .

Ndza tshembha a mi swi hupi leswi. Ku tiva Yesu, namunthla, exikarhi ka mintlawa ya vukhongeri, mi nati. A swi ncicanga. Ndzi nga ha tshama nkarhi wo leha eka leswi, kambe ndzi—ndzi lava ku hatlisela layini ya xikhongelo.

⁵⁷ Martin Luther, muprista ya loye lontsongo wa Mujarimani, loyi a rhwale xilalelo siku rin'wana, u xi lahlerile ehansi eswitepisini, kutani a ku, "Lowu a hi miri wa Yesu Kreste. Lexi xova xinkwa lexi nga endliwa halahaya endzhaku." Kutani a hlambanya, leswaku, "Lowo lulama u ta hanya hi ripfumelo." A ri nati, eka kereke ya Khatholiki. Va lavile niku n'wi dlayela sweswo, kambe, a ri nati, kutani ntsena va lo n'wi tshika a ri yexe. Kambe, u hundzukile nati, eka rixaka rero.

⁵⁸ John Wesley, eminkarhini ya vugangu lebyikulu bya Nihilandhi. Loko, loko mpfuxelelo wa Wesley a wu nga tanga eka xivono... Misava hinkwayo a yi onhakile, vugangu hinkwako. Kutani kereke ya Anglican a yi ri ekule swinene ku kondza ku nga havi na mpfuxelelo; hi maehleketelelo ya lawa ya Vucalvin! Kutani John Wesley a ta eka xivono, a ri na-na rito ra ku kwetsimisiwa, ra ku basisa vugangu hinkwabyo. U hundzukile nati.

⁵⁹ Eku tshaheni ka Nkulukumba Wesley, nkarhi wun'wana, ebukwini ya yena. A ri ku fambeni hi ndlela, kutani wanuna un'wana wa kereke ya Nihilandhi... Hinkwavo a va anakanya leswaku a penga, swingaleswi u yimile endleleni. Nkulukumba Wesley a ri wanuna nyana. Nakulorhi lonkulu u anakanyile ku n'wi phakata hi xihahati, swingaleswi a yimile endleleni. Nkulukumba Wesley a ya a ya ku, "Ndzi khomele, nkulukumba, xana u nga nyiza endleleni xana? Ndzi jahile."

Kutani Muanglican a ku eka yena, "A ndzi nge nyizi ndzi nyizela xihunguki."

⁶⁰ Nkulukumba Wesley hi xichavo u khomile xihuku xa yena, a n'wi tshunelela; a ku, "Ndzi swi endlisa sweswo minkarhi hinkwayo." Swingaleswi, ma swi vona, yaloye hi un'wana loyi a ri nati; un'wana a ri wa Kreste; loyi un'wana a ri wa kereke.

Swingaleswi, u nati ya un'wana, hambi swi ri tano.

⁶¹ Loko Mapentekostal va ta eka xivono, makume ntlanhu wa malembe lawa ya nga hundza. Va teri, "Vanhu va kona va hlangane tinhloko!" Va tinati, hi swona sweswo, hikuva va sorile ku onhaka hinkwako loku a kuri kona eka tinguva ta kereke hi nkarhi walowo.

Kambe Mapentekostal va endlile yini? Va tlhelerile endzhaku eka manhlata lawa a va huma eka wona, endzhaku ku tlhelela eka ku onheka ka tikereke ta mavito. Ma swi tiva leswaku i yini? Lowu i nkarhi wa nati yin'wana. Ina. I nkarhi wa yin'wana. Hi swona.

⁶² Lemukani, nati, loko ku nga si va na nati, ku na bawuti leri ri ringanelaka ku boha nati ya leyo. Kutani nati yaley

yi hulela eka bawuti lero; loko yi tsandzeka, a ri ringaneli. Lemukani. Hinkwavo lava nga huleriwa, eminkarhini ya—ya Nowa, va huleriwa eka hungu ra Evhangeli; Nowa, la nga nati, u va kokerile engalaveni. Swi ya hi ku i ncini lexi nga mi hulela, ni leswaku mi huleriwe mi yisiwa kwihi. Loko mi huleriwele misava, va ta mi koka. Loko mi huleriwile eRitweni, Ri ta mi koka. Swi ya hi ku mi huleriwele kwihi, i nati yihi leyi mi nga ta yi landzela.

⁶³ Kambe Nowa, kuva a ri nati na Rito ra Xikwembu, a ri nati enguveni ya xisayense nale ka nguva ya vukhongeri leyi a hanyeke eka yona, u va kokile, lava a va fanele hi ku ponisiwa, va nghena engalaveni. Amen. Vona lava va hlawuriweke, bawuti leri ri nga endliwa ku nga si va na nati. Bawuti leri ri faneleke hi ku huleriwa eka nati.

⁶⁴ Swingaleswi, Sathani, u na mabawuti man'wana na tinati tin'wana, na yena, mabawuti na tinati ta mimfumo ya misava leyi.

Ntsena Faro a ri ntsena tani hi nati eka Nowa, kumbe eka Muxe, tani hi laha Muxe a ri tano eka Faro. Faro, na mano ya yena hinkwavo ya xisayense, u kokerile tiko ra yena leswaku ri ta eka yena. Nowa, hikwalaho ka kuva a ri nati ya Xikwembu, u kokerile kereke a yisa etikweni ra xitshembhiso. Swi ya hi ku mihuleriwe kwihi. U humesile kereke eEgipta; tani hi Nowa a humeseke kereke emissaveni, ku ya eka ngalava. Muxe u humesile kereke eEgipta, kuya etikweni ra xitshembhiso ra Xikwembu.

⁶⁵ Yesu u teri. Sweswi, tilanguteleni, hikuva tinati leti na mabawuti lawa hinkwavo ya languteka ku fana. Ntsena hlalelani ku hulela. Matewu 24:24, U teri, “Swi ta hambukisa na vona Vahlawuriwa.”

Sweswi, ma—ma Amerika na tikereke hinkwato ta tidinominexini ti lava nati.

⁶⁶ Mamethodist, Mabaptist, Mapresbyterian, hinkwavo va hangalakele eka *leswi*, *leswiya*, ni ku lwa hinkwako. Kutani, endzhaku ka hinkwaswo, hinkwavo va huleriwile eka bawuti rin'we. Swingaleswi Xikwembu xi va nyika bawuti, kutani xi va rhumela na nati, ku nga Huvo ya Tikereke ta Misava. Yi ta va kokela endzhawini yin'we. Hi swona. Hakunene swi tava tano. Yi tava kokela endzhawini yin'we, eka Huvo ya Misava.

⁶⁷ Ma swi tiva, yi na swona, lahawani ku nga ri khale... A ku na nchumu lowu nga humelelaka, xivangelo, ku ri hava xivangelo. Vavasati va lava ku hluvula swiambalo swa vona. Va lava ku ambala swo koma. Hambi swi ri tano va va va halava ku nghena kereke. Va ha swilava ku ambala hinkwato ti 'kinisi' leti, kumbe hambi mi swi vitana yini. Va ha lava ku swi endla sweswo, kambe hambi swi ri tano va ha lava ku nghena kereke; va lava ku huwelela, ku kolola, nikucina; va gandzela, sweswo i ku gandzela.

⁶⁸ Sweswi, loko a ndzi ri na nkarhi, a ndzi ta mi khorwisa ha sweswo. Sweswo i ku gandzela javulosi, macinelo yalawa ni ku endla swilo leswi. Ndzi nga ha mi khorwisa swona, ematikwени ya vahedeni. Va lava ku gandzela, niku hlayisa vumbhoni bya vona ni ku tama va hari ekerekeni. Swingaleswi Xikwembu xi va nyika nati, timbirhi kumbe tinharhu ka tona; yin'wana a yi vuriwa Elvis Presley; yin'wana i, Pat Boone, na Ernie Ford; va nga yimbelela tinsimu ni hinkwaswo, kutani va va va ha koxa leswaku i Vakreste. I nati. A yi huleriwanga eRitweni. Hi swona.

Sweswi, ndzi teri ndzi tava ndzi hetile hi hafu ya awara, kutani swi herile. Kambe, yingiselani.

⁶⁹ Misava yi lava nati. Javulosi wa swi vona leswaku va yi kumile. Va huleriwile eka yona.

Kambe, loko misava ya ha huleriwe eka nati, ku na vanhu lava vuriwaka Mutekiwa. Va huleriwile, na vona. Ntsena hi ntiyiso tani hi laha ndzi yimeke lahawani, Xikwembu xi tava rhumela nati leyi nga ta humesa Mutekiwa eka mpfilungano lowu, kuya eka Vukona bya Xikwembu. Ku tava ku ri nati leyi yi nga huleriwa eRitweni.

⁷⁰ Musori un'wana, masiku ya ntsongo lama nga hundza, u teri eka mina, eTucson. A ku, "Wa swi tiva, vanhu van'wana va ku endla nati, kutani van'wana va ku endla xikwembu nyana."

Ndzi ku, "Kunene, sweswo swa muxaka wolowo swi kahle." A ndzi switiva leswaku u le ku ringetenka ku ndzi sola. Wa vona?

⁷¹ A ku, "Vanhu va ehleketa leswaku u xikwembu nyana."

⁷² Ndzi ku, "Kunene, ntsena..." Ndza swi tiva leswaku vanhu a va swi endli sweswo. Kambe a ndzi—ndzi swi tiva leswaku a nga swi twisisi, hikuva a ri eka tlheloi lerin'wana ra nhlonge, ma swi vona. Swingaleswi a ndzi swi tiva leswaku a nga switwisisi, a nga swi tivi. Swingaleswi ndzi ku, "Sweswo a swi le kule ngopfu na Rito ra Xikwembu. A hi swona?"

Wa vona, ntsena n'wi endleni—n'wi endleni a swi tiva leswaku a hi lahlekanga. Ha ku tiva laha hi nga yima kona. Ha switiva leswaku i matende ya njhani lama hi nga ma vamba, ni leswaku i moya wa muxaka muni lowu wu ri hungelaka. Hi tiva ku hulela ka hina leswi ku nga xiswona, ni leswi nati ya hina yi nga xiswona. Nakona hi tiva laha hi nga yima kona.

Ndzi ku, "Sweswo a swi kanetani na Rito ra Xikwembu, swinene. A hi swona?" Ndzi ku, "Tsundzuka, loko Xikwembu xi rhumerile Muxe eka vana va Israel, Xikwembu xi endlile Muxe xikwembu nyana, hi swona; kutani xi endlile, na yena, Aaron makwerhu wa yena, a va muprefeta. Hi swona. 'Vaprofeta hinkwavo,' Yesu u teri, 'a va ri swikwembu.' A va ri swikwembu; swa vanhu." Hi swona. Xikwembu xi swi vula hi ndlela yaleyo.

⁷³ Yingiselani, Rito leri hi ri chumayelaka ni rito leri ndzi ri vuleke mixo lowu, “Xikwembu xi tumberile emazobyeni, madzovo ya ntini, Xikwembu xi tumberile enhlongeni ya vanhu.” Wa vona? Sweswo hi leswi Xi swi endleke. Loko Xikwembu xi tivonakarisile emisaveni, a Xi tumberile enturhwini, endzhaku ka nhlonge ya Munhu loyi a vuriwaka Yesu. A Xi ambarile nturhu kutani xi ti tumbeta endzhaku ka nhlonge ya munhu loyi a vuriwaka Muxé, kutani a va ri swikwembu, ku ngari Swikwembu swo tala; kambe a va ri Xikwembu; Xikwembu xin’we, ntsena a xi ti ncica maska ya Xona, xi ri karhi xi endla nchumu wun’we hi nkarhi, xi ri karhi xi tisa Rito leri. Wa vona, Xikwembu xi swi endlile hi ndlela yaleyo. Xa swi tiva leswaku vanhu va lava ku vona swin’wana; swi le ka un’wana na un’wana wa hina loyi a nga tswariwa emisaveni.

⁷⁴ Tani hilaha a ndzi mi byela ha kona emixweni lowu, a ku ri hava loyi a ri ntluya a nga landzeli Muxé kwalahaya. Xikwembu a xi kalanga xi endla ntwanano na vambirhi. Xi endla twanano na un’we, minkarhi hinkwayo. A ku ri hava loyi a ri tlunya a encenyeta Muxé. A ku ri rifu, rifu ra ntumbuluko, ku ringeta ku n’wi encenyeta, ku famba na yena eka Langavi lero ra Ndzilo. Swingaleswi a hi vanhu hinkwavo va endliveke... A mi tswariwanga hi ndlela yaleyo, ku nghenelela eka sweswo swa leswi swi nga riki swa ntumbuluko.

Kambe Xikwembu xi vekile van’wana emisaveni lava Xi yimelaka, tani hi vayimeri va Xona. Kutani muyimeri yaloye i xiximiwile, hi Xikwembu, kuya eka leswi nga tiviwiki swa le handle ka ntumbuluko, niku va na moyo wo profeta, u humesa swilo leswi miehleketo ya ntumbuluko yi nga swi twisisiki. U humesela ehandle xihundla xa Xikwembu, u vula leswi nga ku humeleleni, ni swilo leswi nga humelela, ni swilo leswi nga ta humelela. Xana i yini sweswo ke? Xikwembu, Xikwembu lexi nga tumbela hi tinhlonge, nhlonge ya munhu. Hi swona hakunene.

⁷⁵ Sam Connally u tshama eTucson. U tile lahawani kan’we, malembe yo tala lawa ya nga hundza, na Nkulukumba Kidd, kutani u hanyisiwile; eka alsa leyi a ri na yona malembe yo tala. Loko ndzi tava ndzi humile emaheleni ya nguva, Sam a ri na—na ribye laha mutshunguri lahaya, e—e Tucson, a nga ri kambela. A ri kurile ku ringana na mavula. Makwerhu Sam Connally... Votala va n’wina lahawani ma n’wi tiva; u huma eOhio. Kutani u yile eka dokodela, kutani u teri, “Sam, tilulamiseli vhiki leri taká; ndzi ta ri humesa ribye lero,” masiku nyana kusuka kwalaho.

A ku, “Xana ndzi nga susa ribye, dokodela?”

A ku, “A swi koteki. Ribye hi lerikulu swinene.”

⁷⁶ Swingaleswi u n’wi nghanisile emovheni a n’wi yisa ekaya. Kutani u foyinile; a ku, “Ndzi ku lava leswaku u ta

u ta ndzi khongelela, Makwerhu Branham.” Hikokwahalo ka yini a ndzi foyinela sweswo xana? Kutani ndzi sungurile ku n’wi khongelela.

⁷⁷ Ndzi ku, “Sam, hi LESWI HOSI YI SWI VULAKA, ribye ri ta huma hi roxe.”

⁷⁸ Kutani mixo lowu landzelaka u yisile ribye eka dokodela. Kutani a ku, dokodela a ku, “Nkulukumba Connally, a ndzi swi twisisi leswaku swi humelele njhani.”

⁷⁹ Kutani a ku, “Ndzi mupfumeri wa Xikwembu, kutani Xikwembu xi ndzi susile ribye, xi ri susa eka mina.” Wanuna swi n’wi tikerile ku swi pfumela, dokodela. Ntsena ku tlula leswaku a nga ha pfumela leswaku bundu leriya lerikulu ri sukile etlhelweni ra nsati wa mina. Ma swi tiva, wa vona. Swingaleswi u teri . . .

⁸⁰ Kwalomu ka tinhweti ta ntsevu loko ti hundzile, laha a kuri kwalomu ka manharhu . . . kwalomu ka mavhiki mambirhi lawa ya nga hundza, kumbe mavhiki manharhu lawa ya nga hundza, Sam Connelly u latiwile ehansi hi xiyimo xa mavabyi ya mbilu. Kutani a ndzi ri tivi vito ra byona, misiha ya mbilu, kumbe muxaka wun’wana wa ku pfaleka ka mbilu, kumbe swin’wana leswi swi nga va ka xiswona. I bya khombo swinene . . . A byi . . . A wu nga byi hluli, va vula tano. Vuvabyi bya mbilu, na ku pfaleka ka mbilu ya yena. Kutani swirho swa yena swi pfimbile kukondza mahlakala ya yena ya kula ku hundza nenge wa yena, a ehenhla lahawani eka ndzhumbho wa yena. Swingaleswi va n’wi yisile eka dokodela. Dokodela u teri, “N’wi yiseni ekaya, hi ku rhula, kumbe exibedlhele.”

Sam a ku, “A ndzi swilavi ku ya exibedlhele!”

A ku, “N’wi yiseni ekaya kutani mi n’wi lata emubedweni, kutani mi nga n’wi ninginisi nhloko, voko, kumbe kondzo, ku ringana ntsevu wa tinhweti.” A ku, “U nga ha fa nkarhi wun’wana na wun’wana.”

⁸¹ Kutani Makwerhu Norman u hi foyinerile. Kutani hi yile kona vusiku byebyo, kuya vona Makwerhu Sam. Kutani loko hi n’wi khongelerile, kutani Hosi yi vulavurile.

Kutani mixo lowu landzelaka, Sam u yile ehofisini ya dokodela, hi milenge leyi a yi vavisekile, a yima emahlweni ka dokodela, kutani a ku, “Ndzi langutisi, dokodela!”

Kutani dokodela a n’wi nghenisa emuchinini wo kambela misiha ya mbilu, kutani a ku, “A ndzi swi twisisi.” A ku, “Tlhelela endzhaku u ya tirha.” A ku, “Xana u nghena kereke yihi xana?”

A ku, “A ndzi ngheni na yin’we ya tona.”

⁸² A ku “A wu ngavi Mukreste handle ka kuva u nga ngheni eka yin’wana ya tikereke ta mavito. U fanele ku nghena

yin'wana." Wa vona, sweswo hi swona hinkwaswo leswi tiviwaka hi dokodela. Sam a ri nati, eka yena. Kutani na yena a ri nati, eka Sam, hi ku vutisa xivutiso xo tani hi xexo.

Swingaleswi ku humelerile yini xana? Sam u tile, kutani a ku, "Xana ndzi ta ku yini eka un'wana na un'wana loyi a ndzi byelaka swilo swo tani hi sweswo, Makwerhu Branham?"

⁸³ "Va byeli leswaku u 'nghena yin'we leyi yi nga Kereke yi ri yoxe.' A wu Yi joyinanga. A hi kereke ya vito. U tswaleriwele eka Yona."

⁸⁴ Manana lontsongo, hikwalomu ka ntsevu wa tinhweti leti nga hundza, a tiseketerile exifuveni xa Sesi Norman. Ndzi rivalerile vito ra yena, wansati lontsongo wo saseka swinene wa kwalomu ka makume nharhu wa malembe hi vukhale. Yena na nuna wa yena a va hambanile, kutani a nwa maphilisi ya leukemiya. Kutani a ri exiyin'weni lexi a tikeriwa hi ku hundzuluka. Kutani ekuheteleleni swinyanyile ku kondza madokodela va n'wi lata emubedweni. Kutani madokodela va n'wi endzerile ku kondza nkarhi wu fika. Va n'wi pimerile ku fika Wavunharhu lowu a wu landzela. U tava a file hi Wavunharhu. Kutani Manana Norman hi ndlela yin'wana u n'wi susile emubedweni, kutani a n'wi tisa, kutani a fanele ku n'wi khomelela exitulwini. Kutani tani hiloko nakulorhi lontsongo a tshamile kwalahaya, a ri karhi a voyamela endzhaku nile mahlweni, kutani a va wa mpun'wa tani hilaha a nga vaka ha kona; a va wa xitshopani enhlongeni, hi mfukudzani ya, leukemiya.

Ndzi ku, "Kunene, ndzi nga ku khongelela, sesi."

Kutani ni ku ringeta ka yena ku vulavula, na mihloti emahlweni ya yena, u teri . . .

Ndzi—ndzi ku, "Xana i Mukreste xana?"

A ku, "Ndzi Mumethodist."

Ndzi ku, "Ndzi—ndzi ku vutisile loko u ri Mukreste."

Kutani a ku, "U vula ku nghena kereke ya Xikreste xana?"

⁸⁵ Ndzi ku, "Ee, manana. Ndzi vula leswaku, u tswariwile hi Moya wa Xikwembu, ni ku rhandza Hosi Yesu xana?"

A ku, "Kunene, minkarhi hinkwayo ndzi nghena kereke."

⁸⁶ Ndzi ku, "Loko Xikwembu xi nga ku pfumelela leswaku u hanya, xana wa ndzi tshembhisa leswaku u ta vuya eka mina u ndzi pfumelela leswaku ndzi ku komba ndlela ya Hosi leyi yi nga erivaleni swinene xana?"

A ku, "Ndzi tshembhisa Xikwembu xin'wana na xin'wana, loko Xi nga tsetselela vutomi bya mina. Ndzi ta Xi tirhela."

⁸⁷ Ntsena hiloko ku humelela xivono, xi ku, "LESWI HOSI YI SWI VULAKA. U nga tilulamiseli; handzulela hinkwaswo swilo swa rifu ra wena, mundlwani." Rero a kuri Musumbhunuku, kutani a fanele ku fa hi Wavunharhu. "A wu nge fi."

Sonto lowu nga hundza, vhiki leri nga hundza kusukela Sonto lowu, ndzi tshamile na yena ekamareni. U engetelekile hi makume nharhu na tin'wana ta tipondho leti nga twisisekiki; dokodela u teri ka ha ri hava leukemiya leyi nga landzelerisiwaka leyi nga kumekaka hinkwako. Kutani u lavile ku switiva; kutani ndzi n'wi rhumerile kuya khuvuriwa hi Vito ra Yesu Kreste, eka xidan'wani xa mugero, ndlela ya Hosi. Ndzi nga hava nati, kambe, "Loko Ndzi tava ndzi tlakusiwile misaveni, Ndzi ta kokela vanhu hinkwavo eka Mina."

⁸⁸ Ndzi endzerile, eka jaha leri a ri toloverile ku teka tithepi lahwani, Leo Mercier. A ri na xikochikara. Kutani a ndzi ri eku khongelereleni ka vanhu van'wana. Kutani ndzi khongelerile manana lontsongo loyi a vuriwaka Lokar, ndzi pfumela leswaku hi rona. Kutani a ri ni vuhandzuri bya khume mune bya mfukudzani, kutani madokodela va n'wi tshikile leswaku a ti fela. Kutani u khongeleriwile, kutani a byeriwa leswaku a nge fi, kambe u ta hanya. Kutani a ya hari kona hinkwako. Kutani hikwalaho ka sweswo, vandyangu wa yena va makume mbirhi-nhungu a va yimile kwalaho, va ponisiwile va tlhela va tatiwa hi Moya lowo Kwetsima. Swi nga hava nati, kambe swi le ku kokeleni ka vanhu hinkwavo leswaku va ya eka Yena, lava nga tata. Swi huleriwile na Rito. Ma swi vona leswi ndzi swi vulaka xana?

⁸⁹ Ndzi kumile papila leri nga ta, tolweni, ri lahaya efayilini. Xihlovo xo hetelela, loko haha ri erendzweni ro hlota...kumbe, Ximun'wana lexi hundzeke, a kuri lembe leri nga hundza. Jaha ra Mukula loyi a vitaniwa Oscar, loyi a hi hlota na yena lahaya epatwini ra hayiweyi ehenhla lahaya; hilaha Ntsumi ya Hosi, ndzi mi byerile, ku tsemakanya lahwani, yi ta tisa ndhakazi yaleyo ya xisati na-na berhe leyikulu ya silivhere. Hinkwerhu ka n'wina ma swi tsundzuka. Swingaleswi jaha lero, loko ndzi nghenile e...U nghenile etendeni, Ximun'wana lexi nga hundza. Kutani loko Bud a ndzi komberile leswaku ndzi kombela minkateko, (u hluvurile tiglavhu ta yena; a huma eku khandziyeni ka hanci), u ambarile tiglavhu ta yena kutani a tilulamisela ku famba. A ri Mukhatholiki. A nga voni Xi pfuna nchumu.

⁹⁰ Ku hela ka nguva yo hetelela, loko a, yimile etlhelo ka mina...Loko manana wa yena a ri kwalahaya endzhaku, a ri eku feni hi vuvabyi bya mbilu, a ku, "Xana a wu nga swi koti ku ta u ta n'wi khongeleta xana?" Ndzi tlherile hi hala ka xiyindlwana xa Makula lahaya. Kutani kwalahaya, hinkwavo ka vona a va rhendzele manana loyi, kutani a ri eku feni, a nga ha swikoti na ku vulavula rito ra Xinghezi. Kutani Moya lowo Kwetsima wu enhlile kutani wu byerile manana, hi muhlamuseri, nhwana wa yena, leswi nga humelela, leswi a swi ri xiswona. Ambi ku ri ku vitana vito ra yena, a n'wi byela

leswi a swi ri xiswona, ni nyimba leyi a humaka eka yona, ni hi laha leswi swi nga ta humelela. Kutani manana hiloko xikan'we-kan'we a hanyisiwa.

⁹¹ Kutani mixo lowu landzelaka loko ndzi yile kuya va vona, kukotisa loko ndzi chayerile, ndzi famba makume mune wa timayili ku landza nyimpfu, hinkwavo a va tshamile kwalahaya, a ti...lulamisela ku gada hanci ku tlhelela endzhaku emitongeni ya ndhakazi. Kutani ndzi ku, "Vusiku bya tolo loko ndzi tava ndzi khongerile, ndzi teri, 'Tatana wa hina La nga Matilweni.'" Ndzi ku, "Louise, ndza—ndza...A xi ri xikhongelo xa Khatholiki. Hinkwerhu mi sungurise xisweswo, kwalaho, hakunene, ndzi mi sukerile." Kutani ndzi ku, "Sweswi ntsena ndzi ya khensa Xikwembu. A hi vuli swikhongelo, ho khongela."

⁹² Wansati a ku, "A ha hari va Khatholiki." A ku, "Hi pfumela kufana na wena leswi u pfumerisaka xiswona. Hi lava hinkwenu ka hina u hi teka u ya hi khuvula hi ndlela leyi u khuvulaka ha yona. Hi lava Moya lowo Kwetsima."

⁹³ Ku vuya erendzweni...Jaha ri lahlekeriwile hi tihanci ta rona, tinhweti ku nga se fika sweswo, a nga ha tikumanga. Kutani valeteri a va n'wi tungula, va ku, "Oscar, u tiva ku antswa kutlula ku tshika tihanci tani hi sweswo. Tiberhe, tiberhe letikulu to tala, ti tava ti dyile tihanci hi nkarhi lowu."

Nakona a tshamela ku yima ekusuhi na mina. Kutani a ku, vusiku byin'wana, a ku, "Xana ndzi nga vutisa swin'wana xana?"

Ndzi ku, "Ina."

A ku, "Makwerhu Branham, khongela Xikwembu. Xikwembu xi ndzi vuyisela swihancani swa mina."

Ndzi ku, "Bud u teri berhe yi tidyile."

A ku, "Makwerhu Branham, kombela Xikwembu. Xikwembu xi vuyisela Oscar swihancani swa yena."

Ndzi ku, "Xana wa swi pfumela sweswo, Oscar?"

A ku, "Ndza pfumela. Xikwembu xi hanyisile manana wa mina. Xikwembu xi ku byelete laha berhe yi nga kona, laha swiharhi swi nga kona. Xikwembu xexo, xi tivaka laha swiharhi swi nga kona, xi tiva laha tihanci ta mina ti nga kona." Wa vona?

⁹⁴ Lembe leri nga hundza, loko ndza ha yimile endzhaku lahaya na Fred Sothmann, loyi a nga kona lahawani madyambu lawa, na Billy Paul, n'wananga. Moya lowo Kwetsima wu enhlile. Ndzi ku, "Oscar, u ta swi kuma swihancani swa wena. Swi tava swi yimile egambokweni."

Lahaya ku na papila, leri ndzi tsaleriweke rona vhiki leri nga hundza, kutani ndzi ri kumile hi Wavuntlhanu, ri kona lahawani. Ri lahawani efayilini sweswi. "Makwerhu Branham, Oscar u kumile swihancani swi yimile egambokweni."

⁹⁵ Ku ri a tihanya njhani, ku hava loyi a swi tivaka. Kwalahaya, jaha...Hi nkarhi lowu wa lembe, Khotavuxika, ku na gamboko yo tala kwalahaya ka ha ri na makume mbirhi kumbe makume nharhu wa magoza ya gamboko leyi nga tirthendzela. Xana ti tshame njhani kwalahaya hi vuxika, egojini ro enta xana? Oscar u tinghenerile, a ambarile tintangu ta gamboko, kambe, hi ntiyiso, a nga ta swikota ku ambexa swihancani swa yena tintanghu ta gamboko. Kambe u tikumile, ku ya hi Rito ra Hosi. Swi nga ha twakala ku fana na nati; ntsena swi pfumeleni nkarhi wun'wana! Swi ya hi ku ku huleriwa ka n'wina kule kwihi.

⁹⁶ Sweswi, swi ngaka swi nga hulelani na dinominexini. Ntsena swi hulelana na Rito. Kambe ku na vanhu van'wana emisaveni lava pfumelaka Rito lero! Swi lava nati ku phutsela Mutekiwa yaloye a nga lahwani, a huleriwa, hikuva Mutekiwa na Muteki i un'we. Na Xikwembu i xin'we, nakona Rito i Xikwembu! Swi fanela ku huleriwa na Rito, nakona Ri ta humesa Mutekiwa a huma eka tikereke leti ta mavito.

⁹⁷ Ina, a lava ku ndzi sandza. Ma swi tiva, swi ndzi tsundzuxa hi ku vulavula hi swona, mixo lowu, Xikwembu xi tumberile etinhlongeni, nhlonge ya munhu.

⁹⁸ Xitorhi nyana, kutani ndzi pfala; ndzi khomeleni kuva ndzi mi khomeletile ku ringana makume mune-ntlhanu wa timinetse sweswi. Ku na kaya, kaya ra Xikreste, nakona ku na...Ndzi vule leswi ndzi byela musandzi. Kutani eka kaya leri ku na...Va pfumerile eka Xikwembu. A va ri na xifanyetana kwalahaya, kambe a xi chavela ro fa ebubutseni. Rihat, oho, ntsena a xi chavela ro fa. A xi tsutsumela ehansi ka matafula, kun'wana na kun'wana, loko ku va na rihat.

Swingaleswi vusiku byin'wana ku vile na bubutsa lerikulu epurasini, kutani hilaha a va tshama kona, kutani minsinya a yi biwa hi moyo, na rihat ri hatima, byi ri vusiku swinene. Manana a ku eka Junior, a ku, "Sweswi, Junior, famba exithedzini u ya etlela." A ku, "Sweswi, u nga chavi. Famba u ya kwalahaya ehenhla."

⁹⁹ Swingaleswi Junior lontsongo, a ambarile tibijama, u gonyile hi switepisi, a ri karhi a languta endzhaku, a ri karhi a pfikula. U pavalarile ehansi, a ri ku ringeten kuya etlela, u tipputserile nhloko ya yena. A nga byi phahanga; hi rihat leri a ri hatima efestereni. Swingaleswi a ku, "Oho, mhani," a ku, "gonya haleno u ta etlela na mina."

Kunene, a ku, "Junior, ku hava lexi xi nga ta ku karhata. Rihat lero a ri nga ku vavisi."

A ku, "Kambe, mhani, gonya haleno u ta etlela na mina."

¹⁰⁰ Swingaleswi manana u gonyile hi switepisi a ya badama emubedweni, na Junior wa yena. Kutani a ku, "Junior, xijahetani

xa mina, manana u lava ku ku byela swin'wana." A ku, "Junior, hi ndyangu wa Vukreste. Hi pfumela eka Xikwembu, kutani ha pfumela leswaku Xikwembu xa hi sirhelela eka mabubutsa. Hi pfumela sweswo. Nakona hi pfumela leswaku Xikwembu xi hlayisa lava nga va Xona." Kutani a ku, "Ndzi ku lava leswaku u swi pfumela, Junior. Leswaku, u nga chavi. Xikwembu xi na hina, kutani Xi ta hi sirhelela."

¹⁰¹ Junior a pfumelela nyana xinkadyana. A ku, "Mhani, ndza swi pfumela sweswo, na mina." A ku, "Kambe loko rihati lero ri ri ekusuhi na festere, ndzi tsakela ku khumbha Xikwembu lexi nga na nhlonge eka Xona."

Swingaleswi ndzi ehleketa leswaku votala va hina lavakulu hi ehleketa hi ndlela ya leyo. Xikwembu, lexi nga ni nhlonge eka Xona! [Xivati lexi nga riki na nchumu eka thepi—Muhleri.] Xikwembu, lexi nga na nhlonge eka Xona! Swi nga twakala kufana na nati, eka misava, kambe swi le ku kokeleni vanhu hinkwavo leswaku va ta eka Yena.

A hi khongeleni.

¹⁰² Tatana wa le Matilweni, ku kotisa switorhi leswintsongo swa—swa mintokoto, kutani minkarhi yin'wana swi humelela hikwalaho ka xivangelo. Kutani swi, hambi loko swi pfumalaka xichavo tani hi laha swi nga xiswona, hambi swi ri tano ha switwisisa hi ririm i leri swi nga humelela hi rona. Swingaleswi ha Ku khensa, madyambu lawa, Hosi, leswaku—leswaku Xikwembu xi tiakele yindlu hi Xoxe eka hina. Ha khensa hikwalaho ku na ku rivaleriwa loku ku nga endlifa, Ngati ya loyi A lulameke, Yesu; Loyi a nga ku hetiseka ka Xikwembu, ku hetiseka ka miri wa vukwembu bya Xikwembu, laha A nga veka vutomi bya Yena bya nkoka ehansi; ku nga ri hi leswaku byi tekiwile eka Yena, kambe hi ku tsakela ka yena u byi vekile ehansi, leswaku hi ta tiphina hi Yena eka ku hetiseka ka Vukona bya Yena, eka kukwetsima ka Shekinah loku A hanya kona; leswaku mimoya ya hina yi nga ha kwetsimisiwa hi Ngati yaleyo, leswaku Moya lowo Kwetsima wona hi Woxe wu nga ha hanya eka hina. Kutani hi hundzuka vadyondzisi, vaprofeta, ni kuya emahlweni, evanhwini, eka lava, Hosi, va nga na swilaveko; tinyiko ta Xikwembu; Xikwembu hi Xoxe xi tivonakarisa, xi pfurhisia tinyiko letikulu ta Xikwembu, evukoneni bya nguva leyi ya ximanguva lawa.

¹⁰³ Kutani hlamuselo leyi nga riki na xichavo, Hosi, hikuva nati. Kutani ha swi tiva, leswaku eminkarhini leyi, laha nkarhi wun'wana swi nghenisaka misava eka xigojani tani hi laha kereke yi nga ha kona namuntlha, ntsena va joyina tikereke letintshwa na tikereke ta mavito letintshwa. Munhu loyi a taka a humelela na Rito u tekiwa a ri nati, munhu loyi a hlanganeke nhloko. Kukotisa Paul muapostola lonkulu, loyi a leteriwile ku va wa ntivo-vukhongeri, muprista, kutani

hambi swi ri tano u hundzukile xihunguki, hikwalaho ka ku kwetsima ka Xikwembu. U tshikile dyondzo ya yena, leswaku vanhu kumbexana...va nga yingisela marito ya yena lama ya pholichiweke swinene. Kutani u teri a nga ti hi marito ya ku tsakisa vanhu na vutlharhi bya vanhu, leswaku ripfumelo ra vona ri va eka sweswo. Hilaha kereke yi nga swi hundzukela sweswo namunthla, tani hilaha a profeteke, "Endzhaku ka ku famba ka mina, mahlolwa ma ta nghena, ku nga ri ku ta tsetselela ntlhambi." Kambe u teri u tile eka vona, "hi matimba niku vonakarisiwa ka Moya lowo Kwetsima," leswaku ripfumelo ra vona ri va eka Xikwembu. Tatana, u hundzukile xihunguki, eka misava, hi ku tiva Yesu.

¹⁰⁴ Kutani swingaleswi ha swi endla na namunthla, Hosi. Ku na vanhu lava nga tshama lahwani va tekiwaka va penga, hikuva va tilulamiserile ku tsembha Xikwembu eka ku hanyisiwa ka vona, hikwalaho ka laha va ya ka kona laha ku ngariki na Makumu. Va veka ndhuma ya vona emhandzini yo xanisela kona, hikuva va N'wi gandzela. Va N'wi khensa, va N'wi dzunisa, va nyika mimoya ya vona ntshuxeko, hi ku gandzela Xikwembu; va tekiwa va ri lava pengaka. Kambe U virile, leswaku, "Vu—vu vuhunguki bya Xikwembu," loko hi ri swihunguki, "byi tiyile byi tlula vutlharhi bya vanhu; hikwalaho vanhu, hi vutlharhi, a va xi tivanga Xikwembu. Kambe hi vuhunguki bya ku chumayela, byi tsakisa Xikwembu ku va ponisa lava ponisekaka." Ha khongela, Xikwembu, leswaku Mutsari lonkulu wa Rito leri u tata madyambu lawa kutani a ta hanyisa vavabyi, ni ku ponisa lava lahlekeke. Ha swi kombela hi Vito ra Yesu. Amen.

¹⁰⁵ Ndzi fananisa Xikwembu, leswaku mi nga pfulunganyeki hi leswi ndzi nga swivila namunthla; Xikwembu i Dayimani leyikulu, leyi nga Heriki.

Kutani loko dayimani yi humesiwile emaribyeni ya wasi ya Afrika, a ndzi ri emigodini ndzi hlalela hi vukulu...hilaha va swi endlisaka xiswona leswi niku humesiwa ka tidayimani, hilaha va nghenisaka xiswona hi khrexara, na tidayimani letikulu ta wasi ta ndzilo, tidayimani ta ntima ti humela ehandle. A ti vumbekanga swinene, xivumbeko xo karhi. Tova ribye ra kahle ntsena. Kutani, hi ntiyiso, tiva ti nga ri na ndzilo hi nkarhi wolowo. Yo va ntsena dayimani, ribye; ra xirhendzevutana, ro rhetela, yo tala ya wona. Kambe dayimani leyi yi fanele ku tsemiwa. Sweswi, swi lwisana ni nawu loko wo va na yin'wana leyi nga tsemiwangiki. Yi boheka ku tsemiwa, nakona u boheka kuva na rhasiti ya laha u nga yi xava kona, hikuva ti na mamiliyon i ta tidolara eka tona.

Kutani ndzi fananisa Xikwembu na dayimani yaleyo.

¹⁰⁶ Sweswi, swingaleswi dayimani ya tsemiwa leswaku yi ta hatimisa leswi swi nga endzeni ka yona, ndzilo lowu wu nga

endzeni ka dayimani. Kutani yi fanele ku tsemiwa hi ndlela leyintsongo, yi va xivumbeko lexintsongo, hi swiga swinharhu. Vekani swiga swinharhu eka dayimani, kutani ku vonakala loko ku tlhava swiga swinharhu swi humesa mihlovo ya nkombo, wa vona, swi humesa mihlovo ya nkombo.

¹⁰⁷ Kutani sweswi lemukani, “Xikwembu xi vavisiwile hikwalaho ka swidyoho swa hina, xi va ni mimpfimbeti hikwalaho ka mahanyelo lamo biha ya hina.” Wa vona, A tlhaviwa, a mpfimba, Dayimani yaleyo leyikulu, leswaku ha Yena ku ta hatima tinyiko eKerekeni.

Nakona a kova kuvonakala ntsena; hikuva, kuvonakala ku boheka ku tlhelela endzhaku, loko dyambu ri nga ha tlhavi eka yona, laha yi nga tsemiwa ha kona.

Kambe swiphemu leswi humaka eswipetlwini sweswo a swi onhiwi; swa vekerwa ku tirhisiwa. Swo tala swa swona swi endla tinereta ta Victrola. Kutani tinereta leti ti tisa, leti nga petluka eka dayimani, ti tisa vuyimbeleri lebyi hlayisiwaka eka rhayikhodo.

¹⁰⁸ Kutani ndza tshembha leswaku ma swi vona leswi ndzi swivulaka. Xipetlu lexi xi humaka eka Kreste, nyiko yo huma eka Kreste, yi vekiwile ehenhleni ka Bibele, yi lulavula yi humesa swihundla leswi fihiweke swa Xikwembu eka mupfumeri. Xi tiva xihundla xa mbilu. Xi tiva munhu un’wana na un’wana. Ma swi pfumela sweswo xana?

Kutava ku nga ri dayimani leyi nge, “Ma swi vona leswi ndzi nga xiswona xana?” Hi leswi a humaka eka swona. Dayimani i dayimani hikuva u huma eka dayimani.

¹⁰⁹ Kutani yaleyo hi yona ndlela leyi tinyiko ta Moya ti nga xiswona, e... emunhwini, i xiphemu xa Dayimani yaleyo. Yi rhumeriwile, kutani yi tisiwa laha ehansi, yi tisiwa leswaku yi va nyiko, ku ta hlamusela, ku ta chumayela, ku ta dyondzisa. Ku na ntlhanu wa tinyiko ta ximoya; vaapostola, vaprofeta, vadyondzisi, vafundhisi, vavhangeli, kutani hinkwavo va kurisa Miri wa Kreste. Kutani ntsena tani hi ntiiyiso tani hilaha ku nga na vadyondzisi, vafundhisi, ku fanele ku va na vaprofeta. Ha swi tiva sweswo.

¹¹⁰ Kutani hi pfumela leswaku Xikwembu xi fanele ku tivonakarisa hi siku ra makumu, exikarhini ka vanhu va Xona, eka Mbewu leyi hlawuriweke, ku ya hi Bibele, hi xivumbeko xa mupfufeta. Sweswo hi swo swi nga na Rito. Ku ngari leswaku munhu i Xikwembu, kambe kuri leswaku nyiko yaleyo i Xikwembu. Wa vona? Kutani yaleyo hi yona nereta.

Sweswi, phini a yi nge swikoti ku chaya rhayikhodo kahle. Nereta ya ntoloveloy rhunga a yi nge swikoti ku chaya kahle. Kambe ya dayimani, hi yona leyinene. Yi byi humesa byi hlantswekile, nereta ya dayimani leyi yi kombeteleke.

¹¹¹ Ingaku Xikwembu, madyambu lawa . . . Rhikhodo ya n'wina ya vutomi, hambi ku nga va yini lexi hoxekeke ha n'wina, hambi ku nga va yini lexi mi xi navelaka eka Xikwembu, i ngaku N'winyi lonkulu Loyi a khomeke nereta evokweni ra Yena, i ngaku Xi nga yi veka ehenhleni ka vutomi bya n'wina ni kuva xi hi paluxela leswi mi nga tela swona, leswi mi swi lavaka; swingaleswi hi ta swi tiva leswaku Xi kona lahwani.

¹¹² Tatana wa le Matilweni, U nga hi nyika swona ndzi nga se sungula layini leyи ya vavabyi, ku ngari hi xikongomelo xo swi endla leswi, kambe U ta hi nyika swona, leswaku vanhu va nga ha switiva. Leswaku valuveri lava va nga lahwani va nga ha khongeleriwa swona. A ndzi va tivi, kambe Wa va tiva. Kutani Paul u teri, "Loko mi vulavula hi tindzimi, kutani ku ngari na muhlamuseri kumbe ti nga hi kurisi, vanhu va ta ku ma penga. Kambe loku un'wana a profeta a paluxa leswi swi nga embilwini, kutani va taku, 'Hi ntiyiso Xikwembu xi na n'wina.'" A swi endleke nakambe, Xikwembu, eka awara leyи yi nga famba. U swi tshembhisile, kutani a swivi tano. Hi Vito ra Yesu Kreste. Amen.

¹¹³ Na hlamala leswaku ku na vanhu va ngani lava va nga lahwani vusiku lebyi va vabyaka, lava nga lahwani? Kumbe Bill u phakile makhadi ya . . . ? Xana ya phakiwile makhadi ya xikhongelo xana? [Vamakwerhu va ku, "Ina."—Muhleri.] Ma kona. Kunene, ndzi vhumbha leswaku muvabyi un'wana na un'wana u na khadi ra xikhongelo, kambe a ndzi switivi leswi mi nga swi tsala eka wona. Ntsena ndzo ehleketa leswaku u mi phakile makhadi; mi tsala leswi mi swi lavaka eka wona. Xana a hi swona xana? Ntsena kumanı makhadi; mi tsala swin'wana na swin'wana leswi mi swi lavaka.

¹¹⁴ A ndzi mi tivi. I vangani lava va switivaka leswaku a ndzi mi tivi, kutani hambi swi ri tano mi vabyaka, kutani mi ta vula leswi, "Leswi ndzi nga swi twa u swivula namunlhа, 'I Xikwembu xi nga tumbela hi tinhlonge. Xikwembu xi tumberile hi nhlonge ya ximunhu, xi titumbetile hi Xoxe'"? Kambe loko mi ri na mahlo ya ximoya, mi nga ha ma pfula kutani mi Xi vona, mi Xi vona leswaku hi Xona mani. Kutani ma swi pfumela sweswo. Yesu u teri, "Loyi a pfumelaka eka Mina mintirho leyи Ndzi yi endlaka u ta yi endla na yena; u ta endla ni yo tlula leyи, hikuva Ndzi ya eka Tatana." Sweswi, loko mi pfumela hi timbilu ta n'wina hinkwato!

¹¹⁵ Xana i vangani lava vabyaka lahwani, kutani va swi tivaka leswaku a ndzi va tivi, ndzi tivaka leswi swi nga hoxeka ha n'wina? Ntsena yimisani mavoko ya n'wina, mi ku, "Ndza vabya. Ndzi na xilaveko." Xana i vangani lava nga ni ku navela etimbilwini ta vona, lava nga vabyiki, kambe lava va nga ni ku navela? Ma swi tiva leswaku i yini . . . ? . . . Hi swona. Kwalaho ku hava na munhu, loyi ndzi nga n'wi vona, handle ka lava va yimiseleke mavoko ya vona ehenhla. Sweswi, a ndzi swi tivi . . .

¹¹⁶ Ndzi tiva wanuna loyi a nga tshama lahwani. Ndzi na ntiyiso wa leswaku i Makwerhu James, kutani ndzi ehleketa leswaku yaloye i Sesi James. Makwerhu Ben, ndza va tiva. Ntsena hi swikandza swa n'wina, minkarhi yin'wana; makwerhu loyi a fodaka swifaniso. Kambe . . .

Pfumelelani un'wana endzhaku lahaya, kun'wana ni kun'wana, ntsena . . . Ndzi—ndzi—ndzi nthlontha leswi, eka tshaku, ni le ku pfaleni ka Hungu leri.

¹¹⁷ Xana ma swi tiva leswaku Xikwembu xi swi tshembhisile leswi leswaku swi ta humelela emasikwini yo hetelela? Xi endlile xitshembhiso. Wa vona? Sweswi ndzi ngaka ndzi nga swi endlili leswaku swi endleka. Wa vona, a ndzi—ndzi nge swi endlili sweswo. Xi fanele ku swi endlili sweswo. Hi Xona xi ri Xin'we Lexi xi swi endlaka; ku ngari mina. Kambe ndzi pfumela eka Xona, kumbe a ndzi tava ndzi nga yimanga lahwani ndzi mi byela leswi ndzi nga pfumeriki eka swona. Sweswi, ma khongela, kutani mi ku, "Hosi Yesu, ndzi dyondzisiwile eBibeleni leswaku Wena u Muprista Lonkulu sweswi, loyi a khumbhiwaka hi vutitwi bya vulema bya hina." A ndzi na mhaka ni leswaku u le kwih. Kutani ntsena mi nge, "Ndzi pfumela Wena. Nakona, hi ripfumelo, ndzi pfumela leswi wanuna yaloye a swi vuleke namuntlha."

¹¹⁸ Sweswo hi leswi Ntsumi yi nga ndzi byela, "Kuma vanhu lava va nga ta ku pfumela." Kutani loko ndzi vula Rito ra Xikwembu, ku ngari leswaku mi "pfumela mina," ku "pfumeriwa Rito."

Loko swi nga ri swa Rito, swingaleswi mi nga swi pfumeli. Kambe loko mi pfumela leswaku i swa Rito, swingaleswi, hambi swi nga va yini, ma khongela kutani mi pfumela, kutani mi vona loko Xa ha paluxa leswi swi nga etimbilwini ta n'wina.

¹¹⁹ Kutani un'wana na un'wana wa switiva leswaku Bibele yi vurile, leswaku, "Rito ra Xikwembu ri kariha kutlula tlharhi leri ri nga na vukarhi hi matlhelo mambirhi, niku avanyisa mianakanyo ni makungu ya timbilu."

Sweswo hi leswi Abraham a switiviseke xiswona leswaku a kuri Xikwembu, loko Xi kotile ku vula leswi a swi vuriwa hi Sarah endzhaku etendeni, leswi a ri eku ehleketeni ha swona; loko Xi te, "Ndzi ta ku endzela," kutani Sarah u anakanyile embilwini ya yena, "Leswaku a swi ngavi tano."

¹²⁰ Sweswi, ndzi ri Xi kona lahwani ku mi hanyisa. Xana miehleketa yini ha swona? Loko ntsena mi nga pfumela! Sweswi, a ndzi swikoti, a ndzi na ndlela yin'wana; Tatana wa le Matilweni wa switiva sweswo. Wa vona? Ntsena ndzo faneli ku swi vona. Kutani leswi ndzi swi vonaka, ndzi ta swi vula; kutani leswi ndzi—ndzi nga swi vonangiki, hi ntiyiso,

a ndzi nga swi vuli. Kambe ntsena Xona xova Xikwembu hakunene! Xana sweswo swi ta engetela ripfumelo ra n'wina, loko Xi nga swi endla xana?

Ku chumayela hi ndlela yaleyo, swi hi muxaka wa ku ndzi cukumeta nyana swi ntsongo. Kambe Xi kona lahawani. Ndzi na ripfalo ra sweswo.

¹²¹ Ndzi hlalerile wanuna tani hiloko a korhamisa nhloko ya yena, *lahawani* endzhaku. Nsati wa yena a tshamile ekusuhi na yena, a ri karhi a khongela, na yena. Kona *lahawani*. U na swin'wana embilwini ya wena. Nsati wa wena, a ri eku khongeleni. U ni ndzhalo embilwini ya wena. I wa mukon'wana wa wena wa xisati. Sweswo hi swona. Xana wa pfumela leswaku Xikwembu xi nga ndzi byela hi leswi nga hoxeka hi mukon'wana wa wena wa xisati xana? A ndzi ku tivi. A hi tivani hinkwerhu. Swingaleswi hi swona sweswo? Xana wa pfumela leswaku Xikwembu xi nga ndzi byela leswi nga hoxeka ha yena xana? A nga kona lahawani. Ndzi vona mpfhuka lowukulu; u le vuxeni kusuka lahawani. U le Ohio. Hi swona sweswo. U karhateka hi xiyimo xa ngati. Teka xidukwana lexi xi nga na nsati wa wena lahaya, lexi a rilelaka eka xona, u xi tlhandleka eka yena. U nga kanakani; u ta hanya. Wa swi pfumela sweswo xana?

¹²² Hi loyi manana lontsongo a nga tshama lahawani emahlweni ka mina. U le ku rileni. Ku na swin'wana swi nga hoxeka hi n'wana, a ndzi swi tivi... Ee, a ku hoxekanga nchumu. Ntsena o va na ku navela. U navela ku amukela nkhuvelo wa Moya lowo Kwetsima. Sweswo hi LESWI HOSI YI SWI VULAKA. Pfumela, n'wana, u ya eku Wu amukeleni. Hi swona sweswo. U nga kanakani.

¹²³ Lahawani hi loyi manana a tshameke lahawani emakumu ka rheyi. U le ku khongeleni. Ndzi muluveri eka yena, kambe u funengetiwile hi ndzhuti. U na vuhandzuri. Loko hi ri valuveri un'wana eka un'wana, ndzi fanele. A ndzi ku tivi. A wu ndzi tivi, ntsena wo twa hi ta mina. A wu humi kona lahawani. U muluveri exikarhi ka hina. U huma eWisconsin. Doroba ra kona i Milwaukee. Kutani u karhatiwa hi mfukudzani; yi le veleni. U endliwile vuhandzuri na vuhandzuri, hambi swi ri tano a ku na ku humelela. Pfumelela ripfumelo, leri ri khumbheke makumu ya nguvu ya Yena, swi pfumeli sweswi. Ri nwelerisi embilwini ya wena; swi ta humelela. Vana na ripfumelo!

¹²⁴ Wanuna loyi a nga tshama lahawani ekhoneni. U le ku khongeleni ka manana wa yena. U muluveri eka mina. A ndzi n'wi tivi. Kambe u le ku khongeleni ka manana wa yena. Kutani manana wa yena u na swo fana ni leswi wansati loyi a nga na swona, mfukudzani. Kumbe, u le ku yi chaveni, laha ku nga yona. Ku na wanuna loyi u nga eku n'wi khongeleni, kutani wanuna yaloye u karhatiwa hi

nhlana. U tano, na yena, ndzi n'wi vona a pyopyisiwile. U na xihoko. Makwerhu wa wena. A wu humi lahawani. U huma eIllinois. Wa pfumela leswaku Xikwembu xi nga ndzi byela vito ra wena leswaku u mani xana? Farmer. A hi rona xana? Yimisa voko ra wena. Pfumela!

¹²⁵ Ku na un'wana a nkhwinsameke eka un'wana, a nga eku khongeleni, un'wana a nga etlela exisangwanini. Hi swona. Wa swi pfumela leswi u nga swi twa, leswaku i Ntiyiso, manana? Wa pfumela. Loko ndzi nga ku hanyisa, ndzi ta swi endla. Kambe khale u hanyisiwile hi Kreste, ma swi vona. Ntsena u fanele ku swi pfumela. Manana loyi a nga yima lahaya, a ri eku khongeleni, a khongelela wena leswaku u khumbhiwa. A ndzi ku tivi, kambe Xikwembu xa ku tiva. U huma ehandle ka doroba, na wena. Hi swona sweswo. U huma eIllinois. Hi swona sweswo. Doroba ri vuriwa East Moline, Illinois. [Sesi a ku, "Rero i doroba leri ndzi nga tswaleriwa eka rona."—Muhleri.] U xanisiwa hi mfukudzani. U nsati wa mufundhisi. Wa pfumela xana? ["Ina."] U ta fela, kwalaho u nga pavalala kona. Hikokwalaho ka yini u nga N'wi amukeli madyambu lawa, kutani i ku, "Ndza n'wi amukela, embilwini ya mina, hi ripfumelo leri ri nga ehenhla ka swilo leswi nga lahawani, ndza pfumela leswaku ndzi hanyisiwile. Ndzi le Vukoneni bya Xikwembu." Yima, u pfumela, kutani u ya ekaya kutani u ta hanyisiwa. Kwalaho u nga kona.

Xana ma pfumela hi timbilu ta n'wina hinkwato xana? [Nhlengelatano yi tsakisia—Muhleri.] A hi dzuniseni Xikwembu.

¹²⁶ Tatana wa le Matilweni, ha Ku khensa hikwalaho ka vunene bya Wena hinkwabyo ni tintswalo. Ha Ku khensa, hikwalaho, Wa ha ri lahawani, kona kwala exikarhi ka hinkwavo lava karhatekaka. Eka misava leyi yi nga encenyeitiwa, hambi swi ri tano U kona lahawani. Pfumelela Moya wa Wena, Hosi, wu tshama eka hina hilaha ku nga heriki. Ha swi vona leswaku U kona lahawani, Xikwembu lexi xi nga enhlongeni, etimbilwini ta vanhu; xi nga eku nyikeni ripfumelo, na hlavutelo, na xivono. U Xikwembu eKerekeni ya Wena, Xikwembu lexi nga evanhwini va Xona. Ha Ku khensa ha leswi, Hosi. Leswaku un'wana na un'wana a nga ha pfumela, madyambu lawa, hi moyo wun'we, kutani leswaku va nga ha hanyisiwa. Hi Vito ra Yesu Kreste, ndza khongela. Amen.

¹²⁷ Xana i vangani lahawani lava mi nga na makhadi ya xikhongelo, etlhelo *leri*? A hi ngeri lava nga eka tlhelo *leriya*, va tlhelela endzhaku, ku ta lava va nga exikarhi *lahaya*. Lava nga *lahaya* exikarhi, tanani hi ndlela *leyi*, ntsena nghenani endzhawini ya n'wina, mi ta hi ndlela *leyi*. A hi pfumeleleni ntsena, loko ntsena va tava va hetile, layini *leyi* yi joyina tlhelo leri landzelaka.

¹²⁸ Lavakulu tanani hi lahawani. Makwerhu Roy, Hosi a yi ku katekisi; a ndzi nga swi tivi leswaku u tshamile kwalaho.

Ndzi lava madikoni ya kereke lahayani hi ku hatlisa, loko va nga swikota ku nghena endzeni hilaha va nga va ka va ri kona. Tatana lahayani mi ta pfuna kantsongo.

Ndzi lava un'wana na un'wana loyi a ya ku eku khongeleriweni, mi yimisa mavoko ya n'wina, mi ndzi landzelela hi kuvula leswi.

Hosi, [Nhleengeletano yi ku, "Hosi,"—Muhleri.] Ndza pfumela. ["Ndza pfumela."] Ndzi pfune eka ku va ndzi nga pfumeri. ["Ndzi pfune eka kuva ndzi nga pfumeri."] Ndza pfumela ["Ndza pfumela"] leswaku eVukoneni bya Wena, ["leswaku eVukoneni bya Wena,"] tani hilaha ndzi landzelaka Rito ra Wena, ["tani hilaha ndzi landzelaka Rito ra Wena,"] kutani mina...mavoko ya tlhandlekiwile ehenhla ka mina madyambu lawa. ["kutani mavoko ya tlhandlekiwile ehenhla ka mina madyambu lawa,"] ndzi ya amukela ku hanyisiwa ka mina, ["ndzi ya amukela ku hanyisiwa ka mina,"] hi Vito ra Yesu. ["hi Vito ra Yesu."] Amen. ["Amen."] Xikwembu a xi mi katekisi.

¹²⁹ Sweswi hlalelani. "Xikhongelo xa ripfumelo xi ta ponisa vavabyi. Loko va tlhandleka mavoko ehenhla ka vavabyi, va ta hola." Xi byerile Nowa leswaku ku ta na mpfula. A xi kalanga—a Xi kalanga...A ndzi kalanga ndzi ku, "Ntsena loko—loko mi tava mi khongeleriwile, mi ta hanya." Xi teri, "Mi ta antswa."

¹³⁰ Xi byerile Abraham leswaku u tava na mpfula. A yi nga kalanga yina ku ri ngana malembe ya dzana na makume mbirhi, kambe yi nile.

Xi byerile Abraham leswaku u tava na n'wana na Sara. A swi kalanga swi humelela ku ringana makumbe mbirhi-ntlhanu wa malembe, kambe va vile na yena.

Xi byerile Esaya leswaku wa nhwana u ta tika. A swi kalanga swi humelela ku ringana madzana nhungu wa malembe, kambe u tikile.

A hi swona xana? Xi swi tshembhisile! Swi ngari na mhaka ni leswaku swi teka nkarhi wo lehisa ku yini, Xa swi endla, hi mukhuva wun'wana. Ma swi pfumela sweswo.

¹³¹ Tanani emahlweni sweswi. Makwerhu Capps a hi rhangeli hi ku yimbelela. Mi ta ya fambisa makhadi xana? Sweswi mi nge un'wana na un'wana a khongela sweswi.

¹³² Tatana wa hina wa le Matilweni, hi ya eku hlayiseni ka milawu ya Wena hi ku tlhandleka mavoko ehenhla ka vanhu lava vabyaka. A ndzi tivi na xin'we swa leswi U nga ta swi endla, Hosi, hikuva U teri, eRitweni ra Wena, U xavile ku hanyisiwa ka vona. U hi khorwisile leswaku U na hina madyambu lawa, Rito leri ri avanyisaka mianakanyo leyi yi nga embilwini. U hi khorwisile ha sweswo, leswaku U le xikarhi ka hina. Kutani ndza, Ku, khongela, Tatana, leswaku Rito ra

Wena, leri nga tsandzekiki, leswaku ri nga endliya ra ntiyiso embilwini ya un'wana na un'wana! Hi laha U nge teri, "Loko mi swi pfumela; mi nga kanakani, kambe mi swi pfumela; mi ta ku eka tshava leyi, 'Suka,' kutani mi nga kanakani, kutani mi pfumela leswaku swi ta humelela!" A xi vulanga leswaku rini.

¹³³ U byerile vanhu, hi Pentekosta, leswaku va ya ehenhla lahaya va ya rindzela. A wu kalanga u vula tiawara, masiku; U teri, "ku kondza." Kambe sweswi va ta eku amukeleni ka ku hanyisiwa ka vona. Va nga ehleketi hi swin'wana handle ka ku hanyisiwa ka vona lahwani, ku kondza ku ponisiwa ka vona ku fika. Ha Ku yingisela hi ku tlhandleka mavoko, ehenhleni ka vona, tani hi vapfumeri. Hi Vito ra Yesu Kreste. Amen.

¹³⁴ Hiswona, tanani sweswi. [Makwerhu Branham na vamakwerhu va tlhandleka mavoko ehenhla ka vanhu, kutani va khongeleta un'wana na un'wana elayinini ya xikhongelo. Xivati lexi nga riki na nchumu eka thepi—Muhleri.] Mi hanyisiwile. Xikwembu a xi mi katekisi. Sweswo swi kahle. [Xivati lexi nga riki na nchumu eka thepi.]

Hinkwaswo swa koteka, pfumela ntsena;
Pfumela ntsena, pfumela ntsena,
Hinkwaswo . . .

Hosi Yesu, ndzi khongeleta swidukwana leswi sweswi, hi Vito ra Yesu Kreste. Amen.

Swi nga hlamarisa loko hi nga ncinka marito ya vona:

Ndza pfumela sweswi, ndza swi pfumela
sweswi.
Hinkwaswo swa koteka, ndza pfumela
sweswi;
Ndza pfumela sweswi, ndza pfumela sweswi,
Hinkwaswo swa koteka, ndza pfumela
sweswi.

¹³⁵ Xana ma pfumela leswaku leswi mi nga swi kombela niku swi navela mi ta endleriwela swona xana? [Nhengeletano yi ku, "Amen."—Muhleri.] Swi ta humelela.

¹³⁶ Ndzi vone, loko ndzi hundza hi le layinini xinkadyana lexi nga hundza, van'wana va vanghana va mina va ma Italian lava va humaka eChicago. Xana i vangani lava tivaka Sesi Bottazzi wo huma eChicago xana? Kunene, ma swi tiva, a ri ni ku lahlekeriwa hi—hi miehleketo, ku tshika ka minsisha xikan'we-kan'we, swinene, swinene ngopfu. Kambe ni mixo eChicago eka ku fihlula ka ma Christian Business Men, ndzi n'wi byerile sesi, ehansi ka nhlohlotelwa Moya lowo Kwetsima. U vuyerile eka tlheloi lerin'wana, kutani ntsena a nga ha swikoti ku tivuyetela. Kutani ndzi ku, "Sesi, a wu nga ta swikota ku swi hlula, kambe u tava kahle." Ndzi ku, "Swi nga ha teka khume nhungu wa tinhweti, kumbe malembe mambirhi, kona kwala endzeni ka swiangi sweswo u tava kahle."

¹³⁷ Siku rin'wana loko ndza ha vulavula na yena... Ndzi n'wi twile a nyika vumbhoni, a tsakile swinene, a tsakile hi ndlela leyi a nga si tshamaka a tsakisa xiswona evuton'wini bya yena. A ri eku chayeleni ka movha. A ngari na ku rhula, Vukona bya Xikwembu a byi languteka byi sukile eka yena; hi ntiyiso, a ku ri uvabayi bya miehleketo, ma swi tiva; kutani hi xitshuketa swi tlhelerile hi khuluko lowukulu wa ntsako, kutani matimba ya Moya lowo Kwetsima a ya ri ehenhleni ka yena. U humesile mihioti, a rila, a—a ri... Ntsena a va ri ni nkarhi wa kahle, kwalomu ka mavhiki manharhu kumbe mune lama nga hundza, kumbe nhweti. Kutani ndzi n'wi twile a nyika vumbhoni, hi Sonto wa ndzhaku ka Sonto lowu nga hundza, hiloko a ku, "Makwerhu Branham, loko ndzi vuyile, ndzi funghile niku teka thepi yaleyo. Kutani hakunene a ku ri khume nhungu wa tinhweti, ku fika namuntlha." Amen.

Xana ma Xi rhandza xana? [Nhlengeletano yi ku, "Amen."—Muhleri.] Xana a Xi kahle xana? ["Amen."]

¹³⁸ Sweswi, Moya lowo Kwetsima wa luwa wu kotaka ku vhumbha swona, a wu se tshama wu hupa na kan'we, malembe lawa hinkwawo; kutani, ku ya hi Rito ra Xona, xi ringetile ku tivonakarisa eka n'wina namuntlha leswaku Xikwembu a hi xibye xin'wana lexi xi humaka eka swin'wana swa matimu. Xa hanya, hi nkarhi wa sweswi, Rito ra Xona ra vonakarisiwa. Xi ti tumbetile hi Xoxe eka nturhu wa ximunhu, eka Kereke ya Xona, xi ti paluxa xona N'winyi hi ripfumelo ra n'wina na ra mina, kun'we, ri va kun'we, ri endla nconga ya Xikwembu. A ndzi nga endli nchumu loko ndzi ngari na n'wina; a mi nga endli nchumu loko mi ngari na mina; hambi kuri ku endla nchumu loko hi ngari na Xikwembu. Swingaleswi, vun'we byi endla nconga, nhlanganelano. Xikwembu xi ndzi rhumerile hi xikongomelo; ma swi pfumela; kutani swi le ku humeleleni lahaya. Ntsena hi swona sweswo, wa vona, swi tiyisisiwa hi ku hetiseka.

A ndzi na mhaka ni leswaku ku hoxeke yini hi n'wina, leswi un'wana a nga swi vula; loko, kusuka embilwini ya n'wina, loko u pfumela leswaku u ta hola, ku hava nchumu lowu wu nga swi yimisaka. Xi vule tano. Kutani Xi teri, "Matilo ni misava swi ta hundza, kambe Rito ra Mina ri ngaka ri nga tsandzeki." Xana ma swi pfumela sweswo xana? [Nhlengeletano yi ku, "Amen."—Muhleri.]

¹³⁹ Xana i vangani lava va nga ta ndzi khongelela tani hiloko ndza ha ya eka tinhlengeletano tin'wana? [Nhlengeletano yi ku, "Amen."—Muhleri.] Ndzi un'wana loyi a lavaka swikhongelo. Wa vona? Un'wana na un'wana u ndzi hundzukerile, wa vona, kambe n'wina, kutani hambi swi ri tano ka hari na Mbewu ehandle lahaya.

¹⁴⁰ Ndzi rhumerile papila eAfrika Dzonga. A va nge ndzi pfumeleli ku ya handle kaloko ndzi nga sayina phepha leswaku

ndzi “ta khuvula, endzhawini yaleyo, un’wana na un’wana ka nharhu; ka n’we hi ra Tatana, na kan’we hi ra N’wana, na hi Moya lowo Kwetsima, hi le mahlweni. Hi tlhelero lerin’wana, ndzi ta khuvula hi xikosi, kan’we hi ra Tatana... Ni ku swi dyondzisa sweswo tani hi Dyondzo.”

Ndzi va tsalerile papila. Ndzi ku, “Moya lowo Kwetsima a wu ri eku ringeten, eka malembe nyana lawa ya nga hundza, leswaku ndzi vuya eAfrika nakambe. Xi lava ku tirhisa ministri wa mina kwalahaya laha makume nharhu wa magidi va amukeleke Kreste hi ndzhengha wun’we.” Ndzi ku, “Tsundzukani, ngati ya mimoya ya vona yi ta laviwa ehenhleni ka n’wina, ku ngari ehenhleni ka mina. Ndzi tinyikerile ku ta, kambe a mi ndzi pfumeleli.”

Ndza hlamala leswaku ku ta humelela yini namuntlha loko Yesu, N’wana wa Xikwembu loko va n’wi hundzukela ekerekeni, Rito ri aleriwa? Kambe eka—eka hinkwaswo sweswo, Wa ha tama a ri eku ti tiviseni yena N’winyi eka vanhu va Yena. Xana a mi swi khensi sweswo xana? [Nhlengeletano yi ku, “Amen.”—Muhleri.]

¹⁴¹ Kutani ndzi hundzile hi kona, madyambu lawa, ndzi va tlhandleka mavoko, van’wana va vakhegula, van’wana hi lavantsongo, van’wana i swidyuhati, van’wana i majaha, vakhalabya, ntsena va tsakama va thambha tani hi mina. Ndzi ehleketa, “Ndzi tshamile kwalahaya, ndzi tshamile kwalahaya ndzi yingisela Rito leri misava yi ehleketa leswaku i ku penga.” Wa vona? Hi vona—vona bawuti. Wa vona, Xikwembu xi lahawani ku ta ri hulela, xi mi susa emavabyini. I xitshembhiso xa Rito. Ntsena tsundzukani, ri ta sungula ku rhendzeleka ri boha, “Ndzi ta va tshuneta; loko Ndzi tlakuleriwile ehenhla, Ndzi tava tshuneta.” U ta mi tshuneta eka rona. U ta swi endla hakunene. Ntsena pfumelani eka Yena, vanani na ripfumelo eka Yena. Mi nga N’wi kanakani. Pfumelani eka Yena.

¹⁴² Ndzi khongeletani. Loko mi nga ha ri na loyi mi nga n’wi khongelakana, ntsena ehleketa mina.

Kutani swingaleswi ku kondza hi hlangana!
ku kondza hi hlangana!
Ku kondza hi hlanganana...

Ndzi khensa loko mi tile mi huma ekule. Xikwembu a xi mi sirheleli loko ma ha ya ekaya!

Ku kondza hi...

Xewetani Vakreste hinkwavo, mi va losa, eka ntawu lowu wu nga lahawani. Ku rhula ka Xikwembu a ku ve na n’wina! Shalom!

Xikwembu a xi ve na n’wina ku kondza hi
hlangana nakambe!

[Makwerhu Branham a sungula ku hama Xikwembu a Xi ve Na N’wina—Muhleri.]

...ku kondza hi hlangana!
 Ku kondza hi hlangana emilengeni ya Yesu;
 Ku kondza hi hlangana! ku kondza hi
 hlangana!
 Xikwembu a xi ve na n'wina ku kondza hi
 hlangana nakambe!

¹⁴³ Ndzi tsake ngopfu. Ma swi vona, ku na swin'wana, swa swilo swo tala leswi ndzi nga swi tiviki, kambe ku na swin'wana leswi ndzi swi tivaka. Ndza mi khensa swinene. Ndzi tsakile swinene ku hlanganyela na n'wina. Ndzi tsakile swinene kuva un'wana wa n'wina. Xikwembu a xi ve na n'wina. Xi tava na n'wina. Xi ngaka xi nga mi sukeli. Xi ngaka xi nga mi fularheli. Xi ngaka xi nga mi tshiki. Mi nghenile enturhwini sweswi. Wa vona?

¹⁴⁴ Ndzi tsake ngopfu madyambu lawa ku vona Makwerhu Palmer, un'wana wa vafundhisi lava hlanganyelaka na hina lahawani, u huma eGeorgia. Makwerhu Junior Jackson u kona kwalahawani muakwini kun'wana, ekhoneni le ndzhaku, hi tsakile kuva na yena. Makwerhu Don Ruddell u tshamile lahawani. Oho, va tele! A ndzi swi tivi, loko ndzi siyile un'wana... Makwerhu Ben Bryant lahawani, ni van'wana vo tala lahawani, makwerhu wa kahle, Wilbur Collins. Hi tsakile swinene kuva na n'wina hinkwerhu lahawani.

Ntsena ndzi tsakela leswaku hi yima hi milenge ya hina, ntsena xinkadyana sweswi. A hi korhamiseni tinhloko ta hina sweswi.

Ku kondza hi hlangana!
 Ku kondza hi hlangana emilengeni ya Yesu;
 ku kondza hi hlangana!
 ...ku kondza hi hlangana!
 Xikwembu a xi ve na n'wina ku kondza hi
 hlangana nakambe.

¹⁴⁵ Xana mi ni vutitwi bya kuva ekusuhi na xinakulobye xa Moya xana?

A hi ri hameni. [Makwerhu Branham na nhlengeletano va sungula ku hama *Xikwembu a Xi ve Na N'wina*—Muhleri.]

Ndzi lemukile Makwerhu McKinney, wo huma Ohio, u na hina. Makwerhu John Martin na makwerhu wa yena. Hi tsake ngopfu kuva na n'wina hinkwerhu. Swi nga ha endleka ndzi nga mi voni, vamakwerhu. Wa mi tiva.

Ku kondza hi hlangana! I ngaku mbilu ya mina na ta n'wina, na mbilu ya Xikwembu, ti va yin'we ku kondza hi hlangana! [Makwerhu Branham na nhlengeletano va ya emahlweni niku hama *Xikwembu a Xive Na N'wina*—Muhleri.]

Ndzi tsakela ku kombela un'wana ku ta hi ntshuxa. [Makwerhu Branham a vulavula na makwerhu—Muhleri.]

Loko ha ha korhamisele tinhloko ta hina eka xikhongelo.

¹⁴⁶ Ringetani ku komba vafundhisi hinkwavo leswaku hi tsakile kuva na vona lahawani, ni hinkwerhu, n'wina vanhu lava humaka eTennessee, Ohio, ni tiko hinkwaro. Ni vavasati van'wana lava ndzi nga hlangana na vona namunthla, va ku huma eBoston. Vamakwerhu va hina vamakhaladi a va ri kona lahawani, mixo lowu, kusuka kwalahaya ehenhla na vona. Va tele lava va humaka eka tindhawu to hambana ta tiko; ndza mi khensa, vanghana va mina lavo tshembheka. Xikwembu a xi ve na n'wina. Ndzi mi vitana vanghana va mina. Xana ma swi tsundzuka leswi Yesu a swi vuleke ha sweswo xana? "Ku va ekusuhi swinene ku tlula ku va makwerhu," ina, munghana. Loko ha ha korhamisa tinhloko ta hina sweswi... Ku kondza hi hlangana nakambe eka masiku lawa ya taka, Xikwembu a xi ve na n'wina.

¹⁴⁷ Ndzi ya eku kombeleni ka un'wana wa hina wa kahle, makwerhu wo tshembheka, Makwerhu Richard Blair, loko kuri a nge hi tshuxi hi rito ra xikhongelo. Makwerhu Blair. 

MUNHU LOYI OKA ANGA TWISISEKIKI TSO64-0614E
(The Oddball)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni madyambu, Khotavuxika 14, 1964, eBranham Tabernacle eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org